

# *LEBELELA*

Ngwanešu Jimmy. Gomme moso wo mobotse, bagwera.  
Ke... Ke thabile kudu go ba ka Phoenix gape mosong wo, ke ipshina ka nako ye kaone ye ya kopanelo. Ke duma nka no dula ka gare nako ye telele, ke theeditše dipina tše botse tše, le go bona Jimmy yo moswa ka kgontha a tsena ka go pina yela. Hmm! Ga se gona sa go itiriša ka mošemane yola, a se gona?

2 Gomme Ngwanešu Outlaw o be a mpotša mosong wo gore yo ke mme wa gagwe yo bohlokwa a dutšego godimo fa hleng le mojako, wa bogolo bja mengwaga ye masomeseswai tee. Modimo a go šegofatše, kgaetšedi. Ke a thanka mengwaga ye mentši ya go feta ge o be o kobakobetša lesea le lennyane lela ka matsogong a gago, gomme tšona diatla tše nnyane di bethile go kgabaganya marama a gago, ga se o nagane o tla be o dutše fa, bogolo bja mengwaga ye masomeseswai, o mo theeditše ka kerekeng ya gagwe, mohlomongwe, ka nako yeo. O e dumetše nako yela? Seo se kaone kudu, se sekaoone kudu. Go thaba kudu. Modimo o go fa... Gabotse, o ka se kgone go bolela mengwaga ye mentši, gobane o—o, ka gare, sephedi sa Gosafelego. Le a bona? Kafao ga se nke wa ke wa thoma, kafao o ka se kgone go fela, kafao o no ba le Bophelo bjo Bosafelego. Seo se lokile kudu.

3 Ngwanešu Dyson, ga se ke be le monyetla wa go kopana le yena le bjale, eupša o ya go tšwetšapele tirelo ye go kgabola beke ye e latelago, go thoma bošegong bjo, fa ka kerekeng. Gomme ke... ka nnene ke a holofela gore fao go na le katlego ye kgolo fa ka go tsošeletšo ye. Ke no duma feela nka dula morago fa felotsoko le go no nwelela ka go dilo tše botse tša Modimo, bjalo ka ge ngwanešu a rera. Ke kwa gore ke morwa wa moromiwa go tšwa Jerusalema. Gomme kafao ke ne kgontha le ya go ipshina ka bodiredi bjo beke ye, bja ngwanaborena. Ge eba gohle go a kgonega, tselang, mo kweng, mo thekgeng. Gomme bao ba sa kgonego go tla, gomme o kgole go tloga gae, ka ntle ga toropo, ba sa kgone go boela morago, go dira bjalo ka ge ke eya go dira, mo rapedišeng, le go rapediša katlego ya tirelo.

4 Ke elelwa lekga la mathomo ka Phoenix. E be e le kereke ye, feela e be e le ka lefelong la go fapania. E be e le kereke, eupša tlhaka ya go fapania yeo re rapetšego ka tlase ga yona, le kopanelo ye kgolo ye re bilego le yona le Ngwanešu Outlaw. Ke na le rekote ye e dirilwego nakong ya kopano yeo. Gomme ka mehla ke... Ge ke le mohuta wa go hwetša go ikwela gannyane fase, ke ya go bapala rekoto ye, gomme e nyakile e ngwapegile. Mohlomongwe, mohlomongwe, monna yo a e dirilego, o mo mosong wo; ye nnyane, rekoto ye khubedu ya go menegega. Gomme ka gona, nnene, ke na le tše ntši tša direkoto tša morago tša khwaere ye

mpsha ye mo, e bego e le masea a mannyane nako yeo, ba opela. Re hwetša bontši go tšwa go yona.

<sup>5</sup> Ge re kwele dipina tše kaone tše, ke rile go Ngwanešu Outlaw, “Ke thabile di a gatišwa, gobane ke rata go ithuta tšela. Ke rata go kwa dipina tšela le go bapala theipi, go kwa dipina ge le ka kgona go dula fase.”

<sup>6</sup> Ga go selo sa go swana le mmino. Le a tseba, Modimo o fodiša ka mmino. A le be le tseba seo? Uh-huh. Modimo o fodiša ka mmino.

<sup>7</sup> Modimo o fodiša ka lerato. Le a bona? Modimo o fodiša ka sehlare. Modimo o fodiša ka thapelo. Modimo o na le ditsela tše ntši tša phodišo. Go ya le gore o hloka ya mohuta mang.

<sup>8</sup> Dinako tše dingwe lerato le lennyane, le otlollogile, le tla no fodiša sešo sa kgale, lefelo la kgale leo le bilego sekgopi goba se sengwe. E tla se fodiša thwi, feela lerato le lennyane, tlhokomelo ye nnyane.

<sup>9</sup> Nako ye nngwe ge o ikwela o ngenegile, gomme, bjalo ka ge re e bitša, tlhagišo ya mokgotheng, tlase ka bolahleladitlakala, le a bona, e nong go bea ye tee ya ditheipi tše, mmino wola goba rekoto, gomme le ye go e raloka. Selo sa pele o a tseba, o phaphatha leoto la gago, goba seatla sa gago, gomme gohle go fedile nako yeo. O thwi godimo le go ba komana go ya gape.

<sup>10</sup> Bjale, Melaetsa ye ya diiri tše tshela, yeo ga se mohuta wa boebangedi, moo ke ge ke le gae gomme—gomme feela mohuta wa... Yo mongwe le yo mongwe o tseba mokgwa wa go ntšeela kua, feela mohuta wa go taramolla. Gomme bontši bja batho ba ka bolela bontši mo metsotsong ye mehlano, le a bona, go feta nka bolela ka go diiri tšela tše tshela. Kafao, go ya le se o se bolelagoo.

<sup>11</sup> Bjale, ke a dumela, mosong wo, ke na le noute ye nnyane mo, gore kgaetšedi tsoko mo yoo a nyakago lesea la gagwe le lennyane le gafelwe go Morena. Gomme ke rile go Ngwanešu Outlaw, “Ga o kolobetše masea?”

O rile, “Aowa.” Aowa, o no... O ba gafela boka Lengwalo le re go ba gafela.

<sup>12</sup> Kafao ke—ke a nagana, ka nako ye, ge kgaetšedi yo yoo a nago le yo monnyane yo go mo tliša godimo, o tla le tliša godimo. Gomme re—re dumela go se, go beng thuto ya Beibe. Gomme go leka go latela Lengwalo le phethene yeo Morena Jesu a re tlogeletšego, feela kgauswi ka mo re tsebago bjang, ke go latela go kgabola tsela ye A e dirilego. Gomme ga re hwetše lefelo e ka ba lefe ka Beibeleng moo A ba kolobeditšego goba ebile a ba roma go kolobetšwa. O—O nno... Ba rile, “Ba tlišitše bana ba bannyane go Yena, gore A ba šegofatše. Gomme O beile diatla tša Gagwe godimo ga bona gomme o rile, ‘Lesang bana ba bannyane

go tla go Nna, gomme le se ba thibele, ka gore Mmušo wa Modimo ke wa ba ba bjalo.”

<sup>13</sup> Kafao ge moralokaokene goba moralokapiano a ka, a ka re fa feela mmino wola wo mongwe wa go ratega, mohuta wa go nokologa, “Ba tlišeng ka gare, ba tlišeng ka gare, ba tlišeng ka gare go tšwa mabaleng a sebe.” Ke a dumela le tlwaelane le yona.

<sup>14</sup> Leina la moisa yo monnyane ke mang? [Mme o re, “Ke mosetsana yo monnyane. Ke Rebekah.”—Mor.] Rebekah. Leina la mafelelo? [“Hammer.”] Hammer. Yo ke Ngwanešu le Kgaetšedi Hammer. [“Ee.”] Modimo a go šegofatše. Yo wa gago a nnoši? [“Mosetsana wa rena wa bone.”] Mosetsana wa bone. O swanetše go ba moebangedi. Filipi o bile le barwedi ba bane, o a tseba. [“Yeo ke nnete.”] Gomme bohole e be e le baprofetagadi. [Tate o re, “Ga se nna modiredi.”] O ka no se be, eupša ke a tshepa gore Modimo o tla go fa baprofetagadi ba bane go tšwa go barwedi ba, ka tsela e ka ba efe, Ngwanešu Hammer.

<sup>15</sup> Bose kudu. O a edimola bjale. Le swanetše go e bona. Ke a ba rata. Eupša ka mehla ke a boifa ge ke ba kuka, go ba gafela, ka mehla ke a boifa ke tla ba roba. Le a tseba, ke mohuta wa . . . Ke—ke ikwela gampe ka kgonthe, go ba kuka. Gomme mosadimogatša wa ka ka mehla o rile, “O ka se ba robe.” Kafao, eupša ba lebega bose kudu. Ba lebega o ka re o no swanelo go ba swara. Kafao ke ya go leka go le swara, ge go lokile.

<sup>16</sup> Bjale, wo ke mošomo mosadimogatša wa ka a ka o ratago. A woo ga se mpopiana wo monnyane? Rebekah Hammer yo monnyane, o bjang? Seo ke se sebotse. Re leboga se, ka fao Modimo a filego kopano ye ngwana yo wa go ratega. E swanetše go tla feela go tšwa go Modimo. Ga go yo motee a ka kgonago go fa bophelo eupša Modimo.

A re inamišeng dihlogo tša rena bjale.

<sup>17</sup> Tate wa rena wa Legodimong, re tliša go Wena mosong wo mokgobo wo monnyane wo wa lerato yo a beilwego ka legaeng le, ka seatla sa Gago se segolo. Ka fao mme, dikgwedi tše, a le rwelego ka tlase ga pelo ya gagwe, a hlologetše go bona ka fao le tla lebegago ge le fihla. Gomme šele lona mosong wo, mosetsana yo monnyane yo wa go ratega yo mobose. Gomme o le fa leina la Beibele. Gomme bjale o tla aletareng ya Modimo, yena le monnamogatša wa gagwe, go le gafela, go le fa morago go Modimo yo a ba filego lona. Segofatša legae la bona, Tate, re a rapela. Šegofatša lapa la bona. Šegofatša Rebekah yo monnyane yo.

<sup>18</sup> Ka Beibeleng, re hwetše gore batho ba tlišitše masea a mannyane go Wena, gore O ke o bee diatla tša Gago godimo ga bona le go ba šegofatša. Gomme ge O ka be o be o le fa feela ka go mmele wo o bonalago mosong wo, gobaneng, motswadi yo o be a tla tliša Rebekah yo monnyane yo go Wena. Re a lemoga, Morena, gore diatla tša rena ke dikemedi tša go šokiša kudu tša boromiwa

bjo bogolo bjo, eupša O re laetše go dira bjalo. Ka fao, Morena, ke neela go Wena Rebekah yo monnyane, Leineng la Jesu Kriste, ka kgafelo. A nke O tsee bophelo bja gagwe bjo bonnyane gomme o bo šomiše, Morena, bakeng sa letago la Gago. Gomme re tla Go tumiša bakeng sa bjona, Leineng la Jesu. Amene.

<sup>19</sup> Modimo a go šegofatše. A nke Morena a fe, lesea le lennyane le phele, le be mosadi yo mokaone le mohlanka yo mogolo wa Kriste bakeng sa gosasa, ge eba go ne gosasa. Modimo a le šegofatše bobedi bja lena, go botse kudu.

<sup>20</sup> Oo, bona baixa ba bannyane! Ge . . . Go hloka molato gola, ka mehla ke be ke gopola ka fao ngwana a se nago molato, gomme efela, ge re ka no ba go hloka molato bjalo ka yo mongwe wa bana bale, eupša re a hwetše, re hloka molato kudu, ge Madi a Jesu Kriste a re hlwekištše go tšwa sebeng sohle.

<sup>21</sup> Bjale a re phetleng ka Mangwalong. Go lena ba le ratago go bala Lengwalo, a re phetleng go puku ya Bahebere, tema ya 9, bakeng sa Mantšu a mangwe. A re thomeng ka temana ya 24 ya tema ya 9.

*Ka gore Kriste ga a tsene ka lefelong le lekgethwa le dirilwego ka diatla, e lego diswantšho tša therešo; eupša ka legodimong ka bolona, bjale go tšwelela ka bogoneng bja Modimo bakeng sa rena:*

*Le ge go le bjalo gore o swanetše go ineela yenamong gantši, bjalo ka ge yena moprista yo mogolo a tsene ka lefelong le lekgethwa ngwaga wo mongwe le wo mongwe ka madi a ba bangwe;*

*Gobane gona o swanetše ka mehla go be a tlaišegile ge e sa le motheong wa lefase: eupša bjale gatee ka bofelong bja lefase o bonagetše go tloša sebe ka sehlabelo sa yenamong.*

*Gomme bjalo ka ge go beetšwe batho gatee go hwa, eupša ka morago ga se kahlolo:*

*Kafao Kriste o kile a neelwa go rwala sebe sa ba bantši; gomme go bona bao ba mo lebeletšego go bonagala lekga la bobedi ntle le sebe go iša phološong.*

<sup>22</sup> A nke Morena a oketše ditšhegofatšo tša Gagwe palong ya Lentšu la Gagwe. A re inamišeng dihlogo tša rena bjale bakeng sa thapelo.

<sup>23</sup> Ramaatlakamoka Modimo, Yo a lego mathomo a dilo tšohle, Yo a dirilego mafase ka Jesu Kriste, re tla ka Bogoneng bja Gago, ka moagong wo mosong wo, bjalo ka kgobokano ya batho ba Gago: sa pele go neela renabeng go Wena bakeng sa tirelo; go fa ditebogo bakeng sa se re šetšego re se amogetše seatleng sa Gago; re rapela gore O tla šegofatša palo ya Lentšu le. A nke Moya wo Mokgethwa o tšwele pele go dira Lentšu la nnete go rena, ge re

lebelela go Mongwadi wa Lentšu, ka gore re e kgopela Leineng la Gagwe, Jesu Kriste. Amene.

<sup>24</sup> Bjale, re ya go leka, mosong wo, go tšeа feela maletere a mane, ka lentšung, *Lebelela*, bakeng sa thuto, le go dirišana le yona nakwana ye nnyane, bjalo ka ge Morena a tla re etapele go dira. Ke na le dinoutse di se kae di ngwadilwe mo, le Lengwalo le le itšego le re ka šupago go lona, ge re eya mmogo. *Lebelela*.

<sup>25</sup> L, o tšeа pedi, k, lebelela. Lentšu, ka nnete, ge . . . Le šomišwa ka mehla. Eupša, “lebelela,” ge o ekwa lentšu, ka mehla ke yo mongwe o leka go go dira gore o bone se ba se lebeletšego. Ba re go wena, “Lebelela.” Go swana le go ya go theoga tsela, wena, yo mongwe, a ka bona tiragalo ye e itšego, gomme ba tla re, “Lebelela,” gomme morago a hlagiša se e lego. E godimo ga thaba, go—go—go kgophha, goba eng kapa eng ba e lebeletšego. Eupša, selo sa pele, go hwetsa šedi ya gago, ke, “Lebelela.”

<sup>26</sup> Bjale, yo mongwe le yo mongwe o lebeletše, lehono. Yo mongwe le yo mongwe o lebeletše se sengwe, gomme o lebeletše se sengwe go direga.

<sup>27</sup> Re a tseba gore lefase kgafetšakgafetša le šeditše mafaufau, ratara le disekrini tše re nago natšo godimo, go dikologa lefase, setšhaba se sengwe le se sengwe, bakeng sa tshirelešo ya sona mong, se—se na le leihlo la maleatlane, boka, go lebelela go—go hwetsa se sengwe go bonagala ka go sekrini se, boka misaele wa athomo goba se sengwe. Ka gona, ba na le se sengwe kua go ya morago go yo a se rometšego ka tsela ye.

<sup>28</sup> Se sengwe le se sengwe se lebeletše. Khamphani ya Ford e lebeletše go dira Ford ye kaonana. Chevrolet e lebeletše, go dira Chevrolet ye kaonana. Phoenix e lebeletše go dira toropo ye kgolwane le ye kaonana. Setšhaba se lebeletše lefelo le lentši, gore se kgone go phatlalala sonamong. Kereke, feela kereke, e lebeletše maloko a mantši.

Eupša Monyalwa o lebeletše go Tla ga Morena wa gagwe.

<sup>29</sup> Bohle re lebeletše. Go ya le gore segalontšu se leka go go botša o lebelele eng. Ba bangwe ba rena ba re, “Lebelela se.” Gomme ge e le kereke, re re re nyaka ba bantši kudu ngwaga wo, maloko. Seo se lokile.

<sup>30</sup> Eupša Segalontšu se ke lekago go se bolela go lena mosong wo, se swana le mongwadi wa epistola ye, re dumela go ba Paulo, yo a rego, “Re lebeletše go Tla ga Jesu Kriste, lekga la bobedi,” re Mo lebeletše. Gore o e dire, o swanetše go bona se sengwe pele o ka botša yo mongwe gape go lebelela go se o se bonago.

<sup>31</sup> Noage o bile le boitemogelo bja se. Gomme yena, ka tumelo, o bone go tla ga lefula, pula ye kgolo yeo e bego e eya go khupetša lefase le go tšeа tšohle . . . go hlatswa go tloga lefaseng; go gafelagape gape go Modimo. Tšhila ya lefase, yeo batho ba bego ba e hweditše ka tlhakahlakanong yeo ba bego ba le ka go

yona ka letšatšing leo, gomme yohle e ile ya swanelo go hlapišwa, go thoma gape.

<sup>32</sup> Ke sa tšo fetša molokoloko wa ditirelo go mahuto a šupago a mafelelo. Gomme go hwetša gore ka go lehuto le la boselela, gore go na le tsenatseno ye kgolo go—go tlhago. Ngwedi, dinaledi, lefase le a kgeba. Kereke e hlatswitšwe, Israele e hlatswitšwe, gomme se sengwe le se sengwe se hlatswitšwe ka tlase ga lehuto lela la bošupa, gore Mileniamo o kgone go thoma. Go swanetše go be le tlhwekišo, pele.

<sup>33</sup> Gomme seo ke se kereke, lehono, le se ke nyakago go le šupetša sona, gore re hloka tlhwekišo. Pele e ka ba eng e ka thoma go tloga go Modimo, re swanetše go ba le tlhwekišo. Gomme ge re lebelela le go bona dilo tše di lego bjale, ka tlase ga maemo a bjale di phela ka tsela ye di lego, re kgona go bona gore re swanetše go ba le se sengwe go direga pele Modimo a ka kgona go tšwetsapele lenaneo la Gagwe, le tlhwekišo. Ba bantši ba rena, ke re, ba ka no lebelela morago go . . .

<sup>34</sup> Ke na le theipi, goba, gabotse, ke filimi ya mobi ye e diretšwego ka Jerusalema, moo re bego re botšiša Bajuda, ge ba be ba bowa morago go tšwa Iran le mafelo a mantši, mengwaga e se mekae ya go feta, e ka ba mengwaga ye mehlano ya go feta, ba rwele baratwa ba bona ka magetleng a bona, le go ba ntšha sekepeng le ka ntle ga difofane, le go ya pele, ba etla morago. O ba botšišitše potšišo, “A le boela nagalegaeng go hwa?”

Ba rile, “Re tla go bona Mesia.”

<sup>35</sup> Ge le bona Israele, mohlare wola, o khukhuša, ke taetšo ye kgolo. Nako e batametše ge Israele e eba setšhaba, gomme ke setšhaba lehono.

<sup>36</sup> Re bona dilo di direga, tšeо, go lefase, le nno foufala go bona bjalo ka ge le bile matšatšing a Noage. Eupša go rena ba re lebeletšego bakeng sa Kriste, lekga la bobedi, ke taetšo gore ka pela O a tla. Re bona se sengwe se lokela go direga, gomme go ya le gore o lebeletše eng.

<sup>37</sup> Bjale, Noage o tsebile ka Lentšu la Modimo gore go be go etla mafula. Ka tumelo o e bone. O tsebile seo se be se eya go ba, gobane Lentšu la Modimo le e tshepišitše. Bjale, Noage, ka boyena, ka tumelo, o bone se Lentšu la Modimo le se boletšego. Eupša lefase ga se le kgone go se bona, gobane se be se ka se kgone go netefatšwa ka sesaense gore go be go le meetse godimo ka lefaufaung. Eupša Noage o tsebile a be a le fao, gobane Modimo o boletše bjalo.

<sup>38</sup> Yeo ke Kereke, Monyalwa, mmiletšwa ntle lehono, o a tseba gore go Tla ga Morena go batametše, go sa kgathale ke bontši gakaakang re kgonnego go ya ka go tšwelopele, le go ya pele, le go atlega ka go matloleng athomo, le—le go romela mo—mo molaetša wa ratara ngwedding. Seo ga se re selo go modumedi,

ke feela leswao gore go Tla ga Morena go batametše. Re bona ditšhaba di šwalalana, gomme ditšhaba di etla, di šwalalana, gomme lefase le a šwalalana, gomme kereke e a šwalalana. Ka gona, re a rutwa, gore, “Re amogela Mmušo wo o ka se kgonego go šuthišwa.” Eupša ge dilo tše di thoma go direga, Kereke e itlemaganya ka Boyona mmogo, go swinelela le go swinelela, ka . . . ka Lentšu la Modimo. Ke letšatši le legolo le re phelago ka go lona. Gomme re . . .

<sup>39</sup> Yo mongwe le yo mongwe o lebeletše se sengwe. O ka no ba o lebeletše lehono go nako ye o fihlago gae, go ja matena a gago. Go ka no ba phi—phi phikiniki morago ga sekgalela se, yeo o išago lapa la gago go yona. Go ka no ba se sengwe gape, beke ya go latela, yeo o lebeletšego moagišani go tla, goba mogwera tsoko. Eupša yo mongwe le yo mongwe o lebeletše se sengwe.

<sup>40</sup> Gomme bjalo ka sehlopha sa badumedi lehono, re kgobokane mmogo, re nyaka go lokiša dikgopololo tša rena, dikokwane tša rena le dilo, godimo ga go Tla ga Morena, “Go lebelela Kriste, Yo a tla tšwelelago lekga la bobedi ntle le sebe go ya phološong, go bao ba dumelago gomme ba Mo lebeletše go tla.” Modimo, fa, ka . . . ka mongwadi, o re laletša go—go bogela se le go se lebelela. Rena . . . Mongwadi o a bolela mo, gore, “Re lebeletše Kriste, lekga la bobedi, go Mmona boka A le.”

<sup>41</sup> Gomme bjale re a tseba gore Lentšu ke Kriste. “Mathomong go be go le Lentšu, gomme Lentšu le be le le le Modimo, gomme Lentšu le be le le Modimo.” Gomme Bahebere 13:8 e re, “O a swana maabane, lehono, le ka go ya go ile.” Ka fao ke Lentšu le re le lebeletšego, gona, ka gore Lona ke—ke tlhagišo ya se Modimo a lego sona. Gomme ge Modimo a tlide ka go Kriste, O be a le tlhagišo ya se Modimo a bego a le sona. Gomme eng kapa eng A bego a le yona, O a dula ka mehla, ka gore O ka Gosafelego gomme ga a kgone go fetoga.

<sup>42</sup> A kholofelo ye e re fago yona, gore Modimo ga se a re tlogela ntile le hlatse ya therešo ka matšatsing a kgakanego ao re phelago ka go ona lehono! Efela, ka kgonthe re batho ba ba nago le monyetla, ge re ka no lebelela go hlatse ya therešo re nago le yona, Lentšu, le a bona, gobane yeo ke kutollo ya go tlala ya Modimo ya Jesu Kriste. Ga go selo se ka oketšwago go Lona goba go tlošwa go Lona, ka gore Ke kutollo ya Jesu Kriste.

<sup>43</sup> Modimo ga se a ke a tlogela batho ba Gagwe ntile le hlatse ya therešo. Modimo o ya go ahlola lefase ka Jesu Kriste. Gomme ge Jesu Kriste e le Lentšu, gona Modimo o ahlola kereke, goba lefase, ka Lentšu, ka gore Yena ke Lentšu. Go na le Kahlolo e tlago. Modiradibe o a e tseba.

<sup>44</sup> Batho ba bantši, ge o bolela ka Kereke, ba na le kgopololo ya go segiša. Lefase, ge ba feta kgaušwi le Kereke, ke ra, Mmele wa Kriste o kgobokane mmogo, ba nagana ka basadi ba rena ka wo mongwe wo mogolo, moriri wo motelele wa lenti, ka diroko tše

ntsho le se sengwe le se sengwe. Gomme ba nagana ka banna ka menwana ye metelele, ba apere diaparo tše ntsho, gomme ka mehla ba ba sola. Go sekwi se sebotse sa lentšu, seo ke therešo, ka baka la gore, “Kereke ke batho ba moswananoši, batho ba ba bileditšwego ntle.”

<sup>45</sup> Gomme lebaka go bonagala ka tsela yeo go monna yola yo a nyakago go ahlola Kereke ka leemong leo, ke ka gobane Kereke ka mehla e šupetša monwana wa go ahlola go se sengwe le se sengwe seo a naganago se lokile. Gomme ge a le modiradibe, o nagana sebe se lokile, maipshino a bophelo, bjalo ka go phela ka lefaseng. Gomme ge Kereke e ema gomme e ahlola selo seo, E lebega bjalo ka phoofolo ya go tšoša go yena. Eupša ge feela a tseba, ke tsela e nnoši ya Modimo ya go tliša phološo, yeo ke nnete, go hlagiša Lentšu la Modimo ka dipounama tša bahlanka ba Gagwe.

<sup>46</sup> Bjale, Modimo a ka be a kgethile go rera Ebangedi ka letšatši, ka ngwedi, ka dinaledi, ka phefo, goba ka tlhago. Eupša O kgethile banna go rera Ebangedi, gomme fao ke mo Segalontšu sa Modimo se tla tšwago gona. Gomme o ka kgona go ahlola segalontšu go ya ka lentšu le se le hlagišago, gona o ka kgona go bona ke mohuta ofe wa segalontšu seo o se theeditšego. Ge se le kgahlanong le Lentšu, o se se theetše. Eupša ge se le Lentšu, gona Modimo o tlamegile go thekga Lentšu lela le go Le hlatsatša le go Le dira Therešo, gobane O tshepišitše go e dira. Kafao re phela ka go letšatši le legolo, Mantšu a a Kriste a hlagišitšwe.

<sup>47</sup> Ge A tlide ka lefaseng, O be a le Lentšu, ka Boyena. O be a se a swanela go ngwala dipuku. Ga se A ke a ngwala puku. Ka baka la eng? O be a le Lentšu. O be a se a swanela go ngwala ka e ka ba eng, gobane O be a le se ba bangwe ba ngwadilego ka sona. O be a le Lentšu. Kagona, ga se A ngwala e ka ba eng ka seatla sa Gagwe Mong. O be a le Lentšu, Lonamong. Gomme O a swana maabane, lehono, le go ya go ile, kafao O sa dutše a le Lentšu.

<sup>48</sup> O rile go Bajuda, letšatši le lengwe, O rile, “Ke mang a ka go Mpea molato wa sebe?” Bjale, *sebe* ke “gosedumele.” “Ke mang a ka kgonago go šupa monwana wa bona go Nna le go bolela gore Nna ga se ka phethagatša Lentšu le lengwe le le lengwe le ngwadilwego ka Nna?”

<sup>49</sup> A e ka se be selo sa letago mosong wo, baena le dikgaetšedi tša ka, ge Kereke ya Modimo yo a phelago e ka kgona go ema le go re, “Ke mang a ka mpeago molato wa sebe? Mpho ye nngwe le ye nngwe yeo Modimo a e tshepišitšego ka Beibeleng, le se sengwe le se sengwe A tshepišitšego se tla dirwa, e šoma thwi magareng ga rena lehono”? A seo ga se selo sa go makatša? Ke mang a ka kgonago? Gona re... Dikgopololo tša kerekeleina di tla sepela thwi go tšwa go beng gona ge re kgona go bona Modimo a bolela bakeng sa Yenamong.

<sup>50</sup> Batho ba bantsi kudu ba lebeletše go fapana... Ga go yo a nyakago go hwa. Ga go yo a nyakago go lahlega. Yo mongwe le yo mongwe o nyaka go ba ka Bogoneng bja Modimo. Ke a dira, le a dira, yo mongwe le yo mongwe o a dira. Eupša ga re rate go tla ka tsela ye Modimo a re filego go tla. Le a bona? Seo ke se se e dirago phapano ye ntši kudu.

<sup>51</sup> Mošemane wa ka, Billy, letšatši le lengwe, o mphile khamera. Gomme o mpontšhitše se—se selo. O rile, “Papa, tše seswantšho sela ntle fale.” Gabotse, ke Petri ye nnyane ya 35mm. Gomme ke tšere khamera ye nnyane le go lebelela selo. Go be go le e ka ba tše tharo tša tšona dilo di eme ntle kua, dikgopha tša Saguaro. Ke be ke kgona go bona lehlaka le letee, mahlaka a mabedi, lehlaka a mararo. Gomme ke e tšeetše fase gape, ka lebelela, go be go le lehlaka le tee feels. Ke e beile morago gape, go be go lebega o ka re fao go be go le mahlaka a mararo.

<sup>52</sup> Gabotse, yeo e no ba tsela, dinako tše dingwe, re foša tsepamo. Go ne Sehwetša moelo. Gomme re leka go bea se sengwe sa Modimo moragorago felotsoko gape, le sengwe se sengwe, mohlomongwe ga se re diriše Sehwetša moelo sa rena. A nke Moya wo Mokgethwa o tloše dikgopololo tša rena kgole go tloga go renabeng le thutamodimo ya rena ya kereke, gomme a nke Sehwetša moelo se tle ka gare gomme se re kgomaganye, o ka se bone ba bararo goba ba bane. O tla bona selo se tee, sa Modimo. Le a bona?

<sup>53</sup> Go lebelela go kgabola khamera ya go swana, monna o kgona go bona se sengwe, eupša bohlale bja gagwe mong bo a mmotša go na le lehlaka le tee feels ntle kua. Le a bona?

<sup>54</sup> Eupša yeo ke tsela ye Moya wo Mokgethwa o dirago, ge re ka no O dumelela go ba le tsela ya Wona. Go tla tše Lentšu Lonamong le go Le bea tsepamong, go moo re tla bonago se re se lebeletšego nako yeo. Gomme ka gona le tla hwetša, mohlomongwe, ge batho ba ba lekago go le laetša se sengwe, ga se phošo kudu, morago ga tšohle, le a bona; ge o ka no dumelela Sehwetša moelo go thoma, Lentšu ka Bolona, le thome go laetša Lentšu ka ponagatšong. Amene. Se tla—se tla e dira ge o ka no se dumelela. Le a bona? Eupša o swanetše go šomiša Sehwetša moelo, go hwetša ya gago—ya gago... Ge e ka betha mmaraka wa lefeela gatee, e tla o betha gape.

<sup>55</sup> Ke—ke rata go—go thunya, le—le dinepša. Gomme fa e se kgale kudu, ke be ke tsoma sehlorana tlase ka Kentucky. Go bile le... Ke bile le raborolo ye nnyane ya mmotlolo 75. E kwagal... Ke a holofela ga e kwagale go nyefola go lena, go bolela se ka go ther, eupša ke—ke tla le botša. Ke leka go dira ntlha. Gomme raborolo ye nnyane ye, ke e hlahlile. Gomme ke mekamekane le go ralokiša dithunya ge e sa le ke le segotlane se sennyane. Ke—ke a di rata. Gomme ke—ke bile le mmotlolo wo monnyane wo wa 75

go fihla nka no kgora, nako le nako, ke betha leihlo la sehlorana go dijarata tše masometlhano ka ona.

<sup>56</sup> Ke be ke na le pampiri go tšwa bothunyetšong tlase kua, e saennwe, gore, “O kokotela dikolo tše senyane go kgabola molete wa go swana, go dijarata tše masometlhano, ka la pula, letšatši la phefo.” Gomme ke na le yona e saennwe le go hlatsetšwa. Gomme yoo e be e le Morena a nthuša, ka nnete, go dira seo. Seo ga se sa tlwaelega.

<sup>57</sup> Gomme ka thoma go thunya sehlorana. Ke hwetša, ka mo itia felotsoko gape ntle le ka leihlong. Ke a tšhoga. Ke lekile gape, godimo ga pampiri, gomme ga se e itie senepša. E tla betha ka gare, oo, kotara ya intšhi, goba seripa sa intšhi, se sengwe, go dijarata tše masometlhano. Eupša ke tsebile e be e tla dira bokaonana go feta seo. Ke dirile se sengwe le se sengwe go sethunya seo ke tsebilego mokgwa wa go dira, gomme ga go selo se bonagetšego go—go se lokiša gabotse.

<sup>58</sup> Kafao ke se phuthetše ka lepokising le go se romela morago go Khamphani ya Winchester bakeng sa tlhahlobo, bakeng sa go boetša sekeng. Ba nngwaletše lengwalo le lebose ke nago le lona, faeleng ya ka ka gae. Gomme le rile—le rile, “Moruti. Branham,” le rile, “sethunya sela—sela se tla kgoboketše intšhi ka dijarata tše masomepedi tlhano.” Le rile, “Se no ba mohuta wa 75.” Le rile, “Ga se sethunya sa senepša. Se no ba setlošabodutu se sennyane.” Gomme le rile, “O ka se tsoge wa ba bokaonekaone bjo bo itšego go feta seo.” Bjale, yeo e be e le Khamphani ya Winchester ye e dirilego sethunya, e rile, “Intšhi ka dijarata tše masomepedi tlhano,” gomme ke kokotetše mašoba a senyane go otloga go dijarata tše masometlhano.

<sup>59</sup> Bjale, kgopolو ya ka še. Mosadimogatša wa ka o rile, “Bjale lebelela, Bill,” o rile, “ge sehlapha sela se dirilego raborolo se tla no bolela seo, gomme e ka se dire bokaonana go feta seo, gona ke wena mang go bolela seo.”

<sup>60</sup> Ke rile, “Hani, sese se e lego. Ga ke kgathale se khamphani e se bolelago. Ke se bone se e dira, gomme ke a tseba se tla e dira.”

<sup>61</sup> Gomme ke dutše fase fale, ge baena ba bangwe ba be ba thunya dihlorana. Kae kapa kae mo ba bego ba nyaka go di betha go be go lokile, bogaregare, morago, goba kae kapa kae. Ke dutše ka tlase ga mohlare gomme ke be ke lla. Ke rile, “Modimo, ke tšhogile kudu. Ga ke kgone go itshwara nnamong. Gobaneng O ntirile yo monnyane, moisa wa letšhogo boka yo?” Gomme feela...

<sup>62</sup> Ke lemoga moo ke emego fa, Beibele pele ga ka. Gomme Segalontšu, feela ka go ba pepeneneng ka fao o ka kwago sa ka, se rile, “O dirilwe ka mokgwa woo ka morero.”

Gobane, go fihlela o—o tseba gore raborolo yela e ya go korola gatee, gobane... Ge e korotše gatee, a ke re, e tla korola gape. Ke raborolo ya go swana.

<sup>63</sup> Kagona, ke a e bona. Le a bona? Ge eba go obamela Lentšu le, go tsea Sehwetša moelo se le go Se tliša tlase lefelong go fihla ke kgona go bona selo sa go swana baapostola bale ba se bonego, Ebangedi ya go swana ba e rerilego. E tla tšweletša dipuelo tša go swana, gobane E ba diretše. E tla betha senepša nako le nako. Ga go kgathale se dikereke di se bolelago, le batho ba ba tleleimago go ba, ke—ke a tseba E tla E dira. Gobane... Gomme go ne se ke nyakago go se lebelela, Lentšu lela, go bona gore Le tsepamile tlwa, go bona pono ya go swana ba e bonego. Gomme Le tla dira mošomo wa go swana wo Le ba diretšego. Le tla fodiša balwetši. Le tla tsoša bahu. Le tla lelekela bodiabolo ntle. Le tla tliša pele Kereke ya letago Ba ba ratago go tswalela bopaki bja bona ka madi a bona beng ge go etla bohlokwa go dira seo. Gobane, go ya le gore o lebeletše eng.

<sup>64</sup> Bjale ge nkabe ke lebeletše go se Khamphani ya Winchester e se boletšego, ye e swanetšego go ba yona yeo—yeo e dirilego sethunya, gona nkabe ke ba theeditše. Eupša ke tsebile goapanā.

<sup>65</sup> Bjale ge ke lebelela go kereke, gomme ba re, “Oo, wona matšatši a ile, gomme ga go selo se se bjalo ka *Seo*,” gomme, le a bona, le bona moo le tla bago? Go tla ba thwi go tloga go senepša. Le a bona?

<sup>66</sup> Eupša ge A le Modimo ka mehla, O sa le Modimo. Ka mehla O be a le Modimo, gomme A ka se kgone go ba selo gape eupša Modimo. Gomme Yena ke Modimo, Gosafelego. Kagona, re nyaka go lebelela go Senepša sela; e sego senepša se kereke e se thunyago, eupša Senepša se Kriste a se thunyago.

<sup>67</sup> “Re lebeletše Kriste go bonagala, Jesu wa go swana.” O rile, ge A be a le lefaseng, “Lebakana le lennyane gomme lefase ga le sa Mpona gape. Efela, le tla Mpona, gobane Ke tla ba le lena go fihla bofelong bja lefase.” Yena yola wa go swana Yo a kgonnego go šupetša Lentšu, le go ba Lentšu, le go Le šupetša thwi go otlologa go Senepša, Morena Jesu yola wa go swana o fa mosong wo ka sebopego sa Moya wo Mokgethwa, go šupetša dikgopololo tša rena le go tsepamiša, Lentšu la Gagwe, go Modimo o tee wa therešo le go phela, go morero o tee, go phihlelelo e tee. Gomme ge re ka no Mo dumelela go e dira, O tla tsepamiša Lentšu thwi ka go lefelo leo le tla netefatšago gore O a swana maabane, lehono, le go ya go ile. Go ya le gore o nyaka go lebelela eng.

<sup>68</sup> Re swanetše go tsepamiša maphelo a rena. E sego se yo mongwe gape a se bolelago, eupša go tsepamiša maphelo a rena go Yena. Gomme Yena ke Lentšu. Le a bona? Ge re ka dira maphelo a rena go lokologana le Lentšu, gona Lentšu le bophelo bja rena di ba go swana. O rile, “Ge le dula ka go Nna, gomme

Lentšu la Ka ka go lena, gona kgopelang se le se ratago. Le tla fiwa. Ruri Ke re go lena, ge o ka re go thaba ye, ‘Šuthišwa, gomme wa se belaele pelong ya gago, eupša wa dumela gore se o se boletšego se tla direga; o ka ba le se o se boletšego.’ Oo, nna! “E sego se ke se boletšego; se o se boletšego, o ka kgona go ba le sona,” gobane wena le Yena le bile ba go swana. Ka gore, monagano wo o bego o le ka go Kriste o ka go lena. Gomme monagano wo o bego o le ka go Kriste e be e le go phethagatša Lentšu la Tate. E lego, O be a le Lentšu. Ke lena fao. Ka gona wena le Lentšu le tsepamišitšwe ka gare, mmogo. Le ba ngatana ye e phelago ya Modimo. Ke ye kgolo bjang!

<sup>69</sup> Go bile le nako ge dibe tša motho... Ge motho a dirile sebe pele ga Modimo, o tshetše legaga le legolo. Bjalo ka ge mongwadi a boletše mo, gore “O tšweletše ka matšatšing a mafelelo bakeng sa pholoso go bao ba e lebeletšego.” Bjale, legaga le legolo le motho a le tshetše, o itlogeletše yenamong go se tsela go ya morago. A ka se kgone go ya morago gape, gobane o tshetše karogano yeo gare ga gagwe le Modimo.

<sup>70</sup> Modimo, a tletše ka mogau le kgaogelo, o tšere kemedi, gomme e be e le kwana goba phoofolo, e ile ya neelwa, lehu la kemedi. “Eupša madi a dipoo le dipudi,” bjalo ka ge Bahebere fa e boletše, feela go feta moo ke badilego, “a ka se kgone go tloša sebe.” A nno khupetša sebe. E be e le seloba, thereso, eupša a be a no khupetša sebe, ka gore a be a bolela ka letswalo le lebotse, a lebeletše pele go ge Madi a be a etla ao a bego a tla hlwekiša sebe, go se hlala, go se bea kgole go ya ile.

<sup>71</sup> Bjale, ge Jesu a tlide, O be a sa no ba motho. O be a no se be motho wa boraro wa thirinithi. Yena, O be a le Modimo. O be a le Modimo, ka Boyena. O, O be a le Imanuele. Gomme re a rutwa, ka Beibeleng, gore, “Re pholositišwe ka Madi a Modimo.” Ge Modimo ka Boyena a bile yo mongwe wa rena, O—O fetotše ya Gagwe—ya Gagwe—ya Gagwe, se A bego a le sona. O fetotše tente ya Gagwe. O tlide fase, a theoga go tšwa Letagong, gomme a ba motho. Kagona, go tswalwa ntle le thobalano, O itlholetše mmele Yenamong woo A phetšego ka go ona, Yenamong. Imanuele, Modimo a emetšwe le rena, Lentšu le dirilwe nama magareng ga rena, gomme o phetše le rena, go lopollela barwa ba bantsi morago go Modimo, ka go tšollwa ga Madi a.

<sup>72</sup> Mmele, nnete, e be e le Kriste. E be e le Motlotšwa. Gomme ge Kriste e ra “Yena motlotšwa,” gomme O a swana maabane, lehono, le go ya go ile, gomme Yena ke Lentšu, gona Lentšu ke tlotsi. “Ge le dula ka go Nna, gomme Lentšu la Ka ka go lena, gona bolelang se le se ratago.” Ke Lentšu la Modimo, Lentšu le le tloditšwego, seo ke se se e dirago.

<sup>73</sup> Bjale, go bile le nako, bjalo ka ge ke swaile, gore mosadi, ge a na le patso godimo ga—ga seripa se sešweu sa lešela, o... Ga go tsela ya go se tloša. Ke elelwaga mme wa ka a be a fela a bea

kofi ye ntsho godimo ga krisi, go leka go tloša patso go tloga go se sengwe. Ke elelwa nako ye a bego a tlwaetše go tsea lebotlelo la thepentine la kgale le go leka go hlatswa patso, oli ya malahle le go ya pele, go tloša patso go tloga go seaparo. Gabotse, o ka se no e tloša gabotse. Go sa ne mohlala wa yona. Gore, ka seka, ke tla rata go tsea, bjalo ka madi a dipudi le dinku, le go ya pele.

<sup>74</sup> Eupša bjale ba tšweleditše selo se bitšwago setlošadipatso. Gomme setlošadipatso seo, Clorox goba e ka ba eng e lego, ke setlošadipatso seo se dirilwego. Gomme eng, mosong wo, ge nkabe ke na le pafo e tletše setlošadipatso se dutše mo, gomme le—le lerothi le lennyane la enke ye ntsho ka go lona? A re ithuteng yona motsotso. Enke yela ye ntsho ke eng? Bontši bja yona ke meetse. Eupša, mmala, mmala o tšwa kae? Mmala o ile wa swanela go thoma. Re a tseba ke tlholo. Kafao ge o thomile le tlholo, o ile ya swanela go tšwa go Mohlodi pele e ka ba tlholo.

<sup>75</sup> Ga ke tsebe se mantšu a a se rago. Nka se kgone go le ripaganya. Eupša le ntshwareleng mantšu ao ke yago go a šomiša, eupša go dira ntlha. Gabotse, a re reng, gabotse, ge e rotha . . .

<sup>76</sup> Lerothi le la enke, bjale, le be le le bakeng sa morero. Mmala wola o bile mmala wola bakeng sa morero. Lerothi le tee lela la enke le ka kgona go saena kahlolo ya gago ya lehu, le ka kgona go go romela setulong sa mohlagase. Goba lerothi le tee lela la enke le ka kgona go go lebalela go tšwa dibeng tša gago. Le be le beilwe mo ka morero. Re swanetše go le šomiša bakeng sa selo sa maleba.

<sup>77</sup> Eupša, mohlala, go fedile. Gomme re rothetša lerothi le letee lela la enke ka go sekotlelo se tletše setlošadipatso. Go direga eng ka lona? Ga le bone selo se direga, eupša ga go sa na mmala. Mmala o a šwalalana. Ga le tsebe mo o ilego. Gabotse, o boetše morago go diesiti. Nneta, meetse ke, formula ke  $H_2O$ , o ya morago, meetse, morago go meetse ao a lego ka go setlošadipatso. Eupša khemikhale ka go setlošadipatso e šwalalantše wola ka go felela, go fihla o sa kgone go hwetša patso ya wona gape. E ile. O šwalalane ka go, e re, o ile morago go diesiti. Diesiti di tšwa go eng? O ya morago, e re, o tšwa go—go tšwa go diathomo, eng, goba dimolekule. Gomme dimolekule ke eng? Molekule go tšwa go diathomo, diathomo go ya go dielektrone, le go ya pele, ge o eya pele.

<sup>78</sup> A re naganeng ka ona. Ge o thoma morago fale, re re o tšwa go athomo, goba go tloga molekule, e re, molekule nne-tee atiša ka molekule tshela-senyane o dirile molekule H. Go ka reng ge e be e le tshela-seswai sebakeng sa tshela-senyane? O be o tla tšwela ntle e le pinki sebakeng sa boso. Se sengwe se be se swanetše go o beakanya. Go ka reng ge eba e be e le athomo atiša ka nne, atiša ka tshela, atiša ka lesometee? E swanetše go ba . . . Ge e etla ntle tshela sebakeng sa lesometee, o ka be o le tsothwa. Le a bona? O be o swanetše go tšwa felotsoko yo a o hlamilego.

<sup>79</sup> Lebelela ntle ka lefastere go mohlare wola wa mopalema. Ke eng? Ke molora wa bolekhenko le bophelo ka go ona. Lebelelang go kgabaganya mokgotha go tloga go ona, le bona mopulukomo. Ke eng? Molora wa bolekhenko ka bophelo ka go ona, mohuta wa go fapania. Lebelelang, le bona rosa. Ke eng? Molora wa bolekhenko ka bophelo ka go yona. Mmala o tšwa kae? E no naganang ka seo. Gabotse, ke Mang a khalarilego letšoba lela? Go ne matšoba a mabedi, a mohuta wa go swana, le tee ke le leserolwana gomme le lengwe ke le lehubedu. Bobedi bja ona a tšwa go peu ye nnyane. Gomme eng, mmala o tšwa kae? Karolo ya lona ke ye tala, karolo ye tšhweu, karolo ye khubedu, karolo ye serolwana, mebala e tšwa kae? Letšatši la go swana le phadimile go lefelo la go swana. Se sengwe se swanetše go e beakanya. Ke selo sa tlhago, kafao se swanetše go ba le tlholo felotsoko. Bjale lebelelang, gona, e dira eng? E ya thwi morago mathomong, go Mohlodi.

<sup>80</sup> Ka gona ge sebe se bea patso godimo ga motho, gomme Moshe, ka go neela nku, o kgonne go tšea se—se Segalontšu sa Modimo . . .

“Ke tla bea Mantšu a Ka ka molomong wa gago.”

<sup>81</sup> Gomme o sepeletše ntle fale ka Lentšu la Modimo, gomme o rile, “A go be le dintšhi.” Gomme go be go se ntšhi, e ka ba kae. Ka tlase ga metsotso ye mehlano, mohlomongwe, ntšhi ya kgale ye tala e thoma go bobola tikologong. Ka go metsotso ye mengwe ye lesome, mohlomongwe di be di le diponto tše pedi ka sekwere sa jarata. E be e le eng? Lentšu la Modimo ka molomong wa moperfeta wa Gagwe. Lentšu la Modimo le a hlola, eupša le swanetše go tšwa go mothopo wa maleba.

<sup>82</sup> Gomme ka gona ge Modimo a kgonne go tšea monna yola, gomme a dira leporogo kgole go kgabaganya kua, ka madi a dinku le pudi, gomme o kgonne go dira Lentšu la Modimo go hlola ka molomo wa motho, ke bontši gakaakang . . . e sego feela, eupša go hlola . . . goba maatla a sehlabelo sa poo goba pudi. Eupša Madi a Jesu Kriste, gore ge sebe se ipoletšwe le go rothela ka go setlošadipatso sa Modimo, a mong . . . tsela ya go hlola ya Modimo mong ya go tloša patso, bokgole bjo, gore se beilwe ka Lewatleng la Bolebadi, go se sa gopolwa gape.

<sup>83</sup> Ge motho a ipolela dibe tša gagwe gomme a loka le Modimo, gomme Modimo o rothetša sebe sa boipolelo bjo ka go Madi a Madi a Gagwe mong, le go lebalela sebe seo, le—le go bea legatong ka go monna yola Moya wa setlogo wo o bego o swanetše go ba fao, Moya wa Gagwe mong, go mo dira morwa wa Modimo, ke bontši gakaakang maatla a go hlola a Modimo a swanetšego go ba ka Kerekeng! Le a bona? A thuba leboto le lengwe le le lengwe la sebe. A a thuba. Le a bona?

<sup>84</sup> Batho lehono ba leka go re, “Mantšu ao a be a le morago go lebaka le lengwe.” Ke yona, ge o sa le ntle go tšwa ka tlase ga Madi ale.

<sup>85</sup> Eupša ge o le ka tlase ga Madi ale, maatla a Modimo ka Lentšu la Gagwe a dula a swana. A swanetše go swana. Ge A kgonne go dira seo ka madi a dinku le diphoofolo, go reng ka Madi a Jesu Kriste? A ka kgona go e dira bjang!

<sup>86</sup> Re swanetše go sepediša maphelo a rena le go tsepamiša go Lentšu la Modimo. Go no swana le ka fao re be re tla dira khamera ya seswantšho, goba go leka go hwetša tsepamo ya maleba pele re se tše, gomme ka gona re na le seswantšho sa kgonthe sa therešo. Seo ke se re nyakago go se dira, go tsepamiša maphelo a rena ka go Jesu Kriste, gore Kriste le wena le be Motho wa go swana. O morwa yo a beilwago go Modimo ka Madi a moloki Jesu Kriste.

<sup>87</sup> Gona Kereke e tla be e sepelela pele ntle le kgohlano, ntle le go gobatšwa, ntle le kgobalo, ntle le—ntle le dipelaelo, ntle le go tsikitlana, ntle le dikgohlano. E tla be e sepela ka maatla a Lentšu la Modimo, e bonagatša tšhegofatšo ye nngwe le ye nngwe ye Kgethwa yeo Modimo a e tshepišitšego go Yona, ge e ka no dira seo.

<sup>88</sup> Re swanetše go dira maphelo a rena, gomme morago re Mmone le go Mmona a nnoši, e sego pišopo tsoko, monna tsoko yo mogolo, goba se sengwe re phethenago ka sona, eupša re lebelela go Jesu Kriste. E sego mokgatlo wo mongwe, e sego mopapa yo mongwe, goba—goba mopišopomogolo wa Canterbury, goba mongwe yo mongwe “monna yo Mokgethwa,” yoo re mmitšago lefaseng. Eupša re swanetše go lebelela go Jesu Kriste. Yena ke Lentšu. Gomme o... .

<sup>89</sup> Abraham, ge a kgopetšwe go diilela ka go naga e šele, gomme a lebelela tshepišo, ga se nke a belaela tshepišo.

Mokriste o lebelela go tše di sa bonwego.

<sup>90</sup> Elelwang, le hlamišitšwe ka dikwi tše tlhano. Se sengwe sa tšona ke pono. Eupša ke tla netefatša go lena, go bona ga lena ga go bone se sengwe le se sengwe. Fa, mosong wo, thwi ka kamoreng ye gonabjale, go na le dikemedi tša dibopša tše di phelago ka kamoreng ye. Go na le digalontšu tše di phelago ka kamoreng ye. Ge o sa dire, gona eya o bulele thelebišene gomme o bone ge eba ga go batho thwi go kgabaganya setšhaba bao ba emetšwego thwi fa ka kamoreng ye mosong wo. Diswantšo tša bona le bobona tša bona di feta go kgabola kamora ye. A yeo ke therešo? Gobaneng? Tsela e nnoši o ka tsogego wa e tseba, ke sefetišetši, go e topela godimo le go e fetišetša ka go kgonthe.

<sup>91</sup> Gomme tsela e nnoši yeo Kereke e ka tsogego ya tseba gore Jesu Kriste o a swana maabane, lehono, le go ya go ile, ke go tsena ka go sefetišetši, Madi ao a fetišetšago dibe tša rena go tloga go

rena, le go re tliša go kgabaganya legaga lela, ka go Bogona bja Modimo, go beng barwa ba Modimo ba A ikemelago Yenamong ka go bona. Oo, a selo se segolo! Ge re ka lebelela go seo mosong wo, re tla lebala diphapano tša dilo tše di lego lefaseng lehono, le dilo tše batho ba bangwe ba di lebeletšego, le dinomoro tše kgolo le go ya pele. “Re lebeletše go Jesu Kriste, Yo e lego Mothomi le Mofetši wa Tumelo ya renā.”

<sup>92</sup> Bjale elelwang, tlhamo ka moka ya Bokriste ke ya kagodimogatlhago, ge o le Mokriste.

<sup>93</sup> O re, “Go bona ke go dumela.” O ka se tsoge wa ba Mokriste ge o dumela seo.

<sup>94</sup> “Ka gore tumelo ke kholofelo ye e tiilego ya dilo tše di holofetšwego, bohlatse bja dilo tše di sa bonwego.” O ka se kgone go ba Mokriste gomme wa swanelo go bona selo. Diltlhamo ka moka tša Modimo ke tša kagodimogatlhago. Lerato, thabo, khutšo, tumelo, pelofalo, bobotse, bonolo, boleta, le Moya wo Mokgethwa, yohle ke ya go se bonwe. Gomme Mokriste ga a lebelele go se a se bonago ka mahlo a gagwe. O lebelela go se a se bonago ka tumelo ya gagwe.

<sup>95</sup> Gomme tumelo ya gagwe e ka kgona feela go theiwa godimo ga selo se tee, seo ke Lentšu. Amene. Bjale ke ikwela boka Mobaptist wa go goelela. Ee, mohlomphegi. Le a bona? Ge o fihla go Lentšu lela, seo ke selo sa go phela. Leo ke Lentšu. Ge monagano le mahlo a gago di ka kgona go ba botee go Lentšu lela, le go tsepelela seo go fihla le bona tlwa se Modimo a se dirago, a selo sa go makatša.

<sup>96</sup> Abraham o e bone. Le a bona? Ga se a lebelela go e ka ba efe ya go se kwešiše ga tshepišo. Go ka reng ge a ka be a lebeletše gomme a rile, “Ke nna yo bogolo bja mengwaga ye masomešupa tlhano. Gomme segalontšu *se sebjalo-le-bjalo* se boletše le nna gomme se rile ke swanetše go ba le lesea ka mosadimogatša wa ka. O bogolo bja mengwaga ye masometshela tlhano, e ka ba lesometlhano, masomepedi, mengwaga go feta menophose”? O be a tla dira eng? Eupša o dirile eng? Ga se a ke a ela šedi ye e itšego go se dilo tša tlhago di bego di le sona. O lebeletše se Modimo a se boletšego. E bile kgonthe ye bjalo go yena go fihla a sa bone selo gape eupša se Modimo a se boletšego. O tlogetše legae la gagwe. O ikarogantše yenamong go tloga go gosedumele gohle, e ka ba eng yeo e ka lekago go mo gogela kgole. O ikarogantše yenamong gore a kgone go sepela a nnoši.

<sup>97</sup> Seo ke se modumedi yo mongwe le yo mongwe wa mmapale a swanetšego go se dira. Ikaroganye ka bowena go tšwa go bakamaki ba le basedumele, gomme o sepele le Kriste. Ke, ke Bophelo, go wena.

<sup>98</sup> Gomme Abraham o dirile selo se sebjalo. Gomme mengwaga ye masomepedi tlhano moragorago, re mo hwetša a sa dumela tshepišo ya go swana. Gobaneng? O be a tsepamišitše monagano

wa gagwe—wa gagwe go thato ya Modimo, ka Lentšu la Modimo, le go le dumela.

<sup>99</sup> Ge re ka kgona go itsepamiša renabeng go peakanyo ya Modimo, go se Modimo a re nyakago, le se Modimo a re tshepišitšego, le go tlogela se sengwe le se sengwe gape se nnoši. Ga go kgathale ke botelele gakaakang, nno tšwelapele o dumela.

<sup>100</sup> Baroma 4 fa, re hwetša Baroma 4:14. E rile, “Gomme ga se a thekesela go tshepišo ya Modimo, ka gosedumele.” Ga se a ke a dumelala gosedumele go mo kgotlela, le gatee. O lebeletše go selo se tee, seo e bile, Lentšu le le boletšego le yena.

<sup>101</sup> Seo ke se Kereke e swanetšego go se dira lehono. Go lebelela go selo se tee, Lentšu, Lentšu la Modimo le le bolelago le rena. Dikereke le batho di ka kgona go bolela ka tsela ye nngwe le ye nngwe. Eupša, lebelelang go Segalontšu. Re lebeletše eng?

<sup>102</sup> O lebeletše go Segalontšu seo se boletšego le yena. “O biditše se sengwe le se sengwe, kgahlanong le Segalontšu sela, mo o ka rego se be se se gona.” Gomme efela, ka materiale, e be e tšwile kgole le go tsepama bjalo ka ge nako ya Noage e be e le. E be e no ba kgole le go tsepama.

<sup>103</sup> Gobane gobaneng? Nako ya Noage, ba be ba ka se kgone go netefatša go be go ne pula godimo kua. Eupša Noage o tsebile seo, ge Modimo a boletše bjalo, O be a kgona gó bea pula godimo kua.

<sup>104</sup> Abraham o tsebile gore mmele wa gagwe—wa gagwe o be o no swana le mohu, eupša ga se a šetša mmele wa gagwe mong. Ga se a ke a šetša go hwa ga popelo ya Sarah. Mosetsana yo moswa, o nyetše kgaetšedi wa gagwe wa seripa, o phetše le yena mengwaga ye yohle. Gomme bjale o bogolo bja mengwaga ye masomesenyane, gomme o bogolo bja mengwaga ye lekgolo. Eupša ebile ga se a nagana ka seo. Seo ebile ga se sa tla ka monaganong wa gagwe. Gobaneng? O be a tlošitše tsepamo ya gosedumele yohle. Oo, letago!

<sup>105</sup> Seo ke se Kereke e swanetšego go se dira. Seo ke se leloko le lengwe le le lengwe la Kereke le swanetšego go se dira, le tla tloša tsepamo yohle ya pelaelo go lena. Lebelelang feela go Lentšu leo. Le e tshepišitše. Modimo o boletše bjalo. E swanetše go ba ka tsela yeo.

<sup>106</sup> Beibele e rile, “Kgahlanong le kholofelo, o dumetše go kholofelo. Ga se a thekesela go tshepišo ya Modimo, ka gosedumele, eupša o be a tieletše, a efa tumišo go Modimo.” Letšatši le lengwe le le lengwe o tieletše gobane mohlolo o tla ba wo mogologolo.

<sup>107</sup> Dinako tše dingwe re ka se kgone go leta go tloga bošego bjo botee go ya go bjo bongwe. Dinako tše dingwe re ka se kgone go leta go tloga tsošeletšong e tee go ya go ye nngwe. Re swanetše go ya ntle le go tlemagana le dilo tša lefase. Ka fao re swanetšego go lewa ke dihlong ka renabeng.

<sup>108</sup> Pele re etla mo go ipolela le go tsena ka go Madi ale a Jesu ao a re hlwekišago go tšwa go sebe sohle, re swanetše go itsepamiša fase renabeng, go bona Modimo yo motee yola wa therešo wa go phela a eme fale, Yo a dirilego tshepišo, gore, “Magodimo le lefase di tla feta, eupša Lentšu la Gagwe le ka se palelwe.” Dula thwi fale godimo ga Leo, gona ga o tšokatšokišwe ke diphefo tša thuto, wa rwalelwah golele go tloga lefelong go ya lefelong, go tloga pilareng go ya koteng.

<sup>109</sup> Eupša, o tseba mo o emego, gobane o korotšwe le Modimo. O bona bophelo bja gago mong bo betha senepša sela, feela boka baapostola bale ba dirile. O phela ka tsela ye ba dirilego. O kolobeditšwe ka tsela ye ba bego ba le. O bona dipuelo tša go swana tše ba di bonego. O e bona e šoma ka go wena. O korotše. Ga ke kgathale se khamphani e se bolelago le se dikerekemaina di se bolelago. O korotše, gobane o a tseba gore o betha senepša. Amene. Gona o tseba moo o emego. Go ya le gore o lebeletše eng. Ge o lebeletše yo mongwe gape, o tla ya ka tsela ye nngwe le ye nngwe. Phefo ye nngwe le ye nngwe ye nnyane e ka go butšwetša go tloga go senepša. Eupša, oo, o ka se kgone go butšwetšwa go tloga go senepša ge o korotše. Yeo ke phetho. Ga se gona se yago go e thibela. Modimo o e rwala go ya go ya yona . . .

<sup>110</sup> Go no swana le leswika le lennyane la Dafida ka go seragamabje, le ile thwi go bofihlo bja lona.

<sup>111</sup> Kafao dithapelo tša lena di tla ya thwi go bofihlo bja yona, ka baka la gore e neetšwe ka Mading a Jesu Kriste ao a le hlwekišago. Ga go na sebe goba lefelo godimo ga gago ga go felo. Yeo ke nnete. Go ka se be. Ge feela Clorox yela e le gare ga ka le Modimo, O ya go bona bjang sebe sa ka? O kgona bjang go e dira?

<sup>112</sup> Ge ke dira sebe, ga se ka boomo. “Yo a dirago sebe ka boomo morago ga ge a amogetše tsebo ya Therešo.” Eupša ga go na sebe sa ka boomo, go le bjalo o dira sebe. Eupša ga o se dire ka boomo, gobane, ka pelong ya gago, ga—ga o re go dira dilo tšeо.

<sup>113</sup> Eupša ge o se dira ka boomo, go a fapania, gona ke nagana o be o se fao lefelong la pele.

<sup>114</sup> Bjale, selo sa yona ke, ke go tla lefelong moo gore patso yohle ya sebe e hlatswišwe go tloga. Ka gona o a ema, o lopolotšwe ka Madi a Kwana. O Adama, boka a bile pele a ewa. O morwa wa Modimo, o hlatswišwe Mading a Madi a Modimo Mong.

<sup>115</sup> E bile madi ao a tlišago ngwana. E bile madi feela, a nnoši. Madi a tšwa go bong bja tona. Madi a tšwa go monna. Mosadi, o tšweletša lee, motlatši. Eupša monna ke haemoklopini, yeo, fao go tla tlhako. Gomme ka go tlhako ke moo—ke moo bophelo bo letšego.

<sup>116</sup> Gomme Bophelo ga bo tle ka boipolelo ka kerekeng ye e itšego, goba thutotumelo ye e itšego, goba tokomane ye e itšego. Eupša Bophelo bo a tla ge o tswetšwe gape ka Madi a Jesu Kriste,

tlh—tlh Tlhako. “Me—me mediro ye Ke e dirago le tla e dira le lena. Yo a dumelago go Nna, le ge a be a hwile, go le bjalo o tla phela. Mang le mang a phelago le go dumela ka go Nna a ka se tsoge a hwa.” Go na le Bophelo bjola bja Modimo, bjalo ka morwa wa Modimo, a tswetšwe ka Madi a Modimo. Gomme le... Moya wo Mokgethwa wa go swana woo o ngwadilego Beibele ye o tla E tsepamiša thwi morago ka go wena gape. Ga go kerekeleina goba thutotumelo ye e ka kgonago go dira seo. Modimo a nnoši ka Boyena a ka kguna go swara khamera ya mahlo a gago le go go dira o bone se Modimo a lego sona, le se morero wa Gagwe o lego. Ee, mohlomphegi. Nnete.

<sup>117</sup> Bjale, re hwetša, Moshe. Re hwetša, moragwana, o—o agile... O bone Israele. Moshe, moprofeta yo mogolo, o lebeletše ntle ka mafastere. O godišitše ka dikgorong tša Farao. Gomme o ile a lebelela ntle ka lefastere gomme a bona sehlopha sa madubaleraga. Ga go selo eupša batho ba go apara seripa ka megogoma ya sefepi godimo ga mokokotlo wa bona, ga go tsela le gannyane go tsoge ba lokollwa. Eupša Moshe o tsebile Lentšu la Modimo, gomme o lebeletše godimo ga bona bjalo ka batho ba tshepišo. O lebeletše godimo ga bona bjalo ka batho bao ba bilego le tshepišo. Ga go kgathale ke bontši gakaakang lefase, letšatši lela, le lebeletše tlase godimo ga bona, bjalo ka sehlopha sa madubaleraga goba makgoba, o lebeletše godimo ga bona bjalo ka batho ba nago le tshepišo.

<sup>118</sup> Farao o lebeletše godimo ga bona, go tšwa lefastereng la go swana, eupša o bone makgoba.

<sup>119</sup> Moshe o bone phenyo. Ka baka la eng? O be a itsepamišitše yenamong. Le ge a le mokgoma, le ge a le mojabohwa go terone ya Egepeta, o itsepamišitše yenamong go tloga go kganyogo ya lefase. O itsepamišitše yenamong go tloga go bobotse le maatla ao a bego a na le ona ka go mabokgoni a gagwe mong go amogela. O tsepamešeditše ale ntle, go fihla a bona batho ba go šegofala mošola, ka tshepišo ya Modimo. O tsepamišitše ka gare, ka gore o be a tseba gore Modimo o tshepišitše Abraham gore O be a tla etela batho ba Gagwe. Gomme o tsebile gore o tsošitšwe bakeng sa morero woo, gomme o o tsepamišitše ohle.

<sup>120</sup> Farao o be a se na le kgonagalo ye. O ile a neelwa yona, eupša o e ganne. Gomme ge a e ganne, gona o be a sa kgone go tsepamiša.

<sup>121</sup> Ga go motho, morago ga ge a ganne Lentšu la Modimo, a ka tsogego a kguna go itsepamišetša yenamong ka go Lona, gobane o gana Lentšu leo le go tlišago go setswalle sa Kriste. Yeo ke nnete. Kafao...

<sup>122</sup> Eupša, Moshe o lebeletše ka ntle ga lefastere le, o e dumetše. Gobaneng? Moshe o lebeletše ka tumelo. Ke ka fao Moshe a lebeletšego.

<sup>123</sup> Bjale theetšang sekgauswi ka kgonthe go tshwayo ye. Tumelo! Bjale, le se lebale go hwetša ye bjale. Tumelo e hlamilwe go bona se Modimo a se ratago le go se nyaka. Fao ga go tsebo ye e ka kgonago go dira seo. Tumelo e nnoši e hlamilwe, le go fiwa moloko wa motho, go hwetša se thato ya Modimo e lego sona.

<sup>124</sup> Gomme o tšeа tumelo ya gago ye o nago nayo, gomme ga e tsepame le Lentšu, gona e tlogele e nnoši. O na le tumelo ya go fošagala.

<sup>125</sup> Eupša ge tumelo ya gago ya go fiwa ke Modimo e go tsepamiša le Lentšu la Modimo, o eme thwi mothalong le go korola. Oo, nna! Modimo re thuše iring ye, iri ye kgolo ye re phelago ka go yona. Tumelo, e hlamilwe go bona se Modimo a se nyakago! O e bona bjang? Ka khamera ya Lentšu la Gagwe, tshepišo ya Gagwe. Ye ke kutollo ya go tlala ya Jesu Kriste.

<sup>126</sup> Ka gona, ge tumelo ye e lego ka go wena, e go tsepamiša go Lentšu le, o tsepamišitšwe kgole go tloga go dikerekemaina tšohle le dithutotumelo le se sengwe le se sengwe. O tsepamišitšwe thwi go otologa godimo ga Lentšu la Modimo. O korotšwe. E hloka feela go ragolwa ka kgwatho ye nnyane. Amene. Thapelo yela e fofela thwi ka Bogoneng bja Modimo, gobane ga se gona go e thibela. Ee. Seo ke se se e dirago, ge o korotšwe le Modimo, o tsepamišitšwe ka gare, ka nako yeo o lebeletše senepša.

<sup>127</sup> Ga se wa lebelela se yo mongwe gape a se bolelago, “Se se ka se direge, gomme se se ka se direge.”

<sup>128</sup> O lebeletše go se o tsebago se diregile. Lebelela senepša sa gago. O bona moo ba se bethilego. Ge ba se bethile ka letšatšing lela, O a swana maabane, lehono, le go ya go ile. Tsepamišetša thoko dithutotumelo tšohle tše le dilo o di hlakahlakantšego. E ya thwi morago go Lentšu, ka gona ipolele gosedumele ga gago, gomme o dumelele Modimo a tše Moya wo Mokgethwa wa Gagwe le go šupetša diponagalo tša gago thwi go otologa go Jesu Kriste. Re lebeletše go Yena nako yeo, e segó se yo mongwe gape a se bolelago.

<sup>129</sup> Ebile e segó se ngaka a se bolelago, se sebotse ka mo se ka bago. O na le lefelo la gagwe. Kereke, ye botse bjalo ka... E na le lefelo la yona. Ga re gane seo. Eupša e swanetše, yohle e ne lefelo la yona. E tla thunya, eupša e ka se bethe senepša.

<sup>130</sup> “Feelá bona ba ba lebeletšego Kriste lekga la bobedi.” Yeo ke go korola. Go ya le gore o lebeletše eng. Ee.

<sup>131</sup> Bjale, lehono, le a bona, tumelo e hlamilwe go dira se. Tumelo ye e swanago lehono e bona selo se se swanago. Tumelo ya Kereke lehono e swanetše go bona lenaneo la go swana la Modimo. Ke nyaka le se hlaiwe ke se bjale. Kereke lehono, ye e biditšwago ke Modimo, ka nnete e tla bona lenaneo la Modimo, gobane lenaneo la Modimo le ngwadilwe ntle *Fa*, Polane. Gomme Moya

wo Mokgethwa, ka tumelo, ke Yena Yo a E balago le go E bea mmogo.

<sup>132</sup> Gona monna a ka bolela bjang o tladišwe ka Moya wo Mokgethwa, gomme Moya wo Mokgethwa o bolela tsela ye e itšego go dira se sengwe ka Beibeleng, gomme monna yo o tla tikologong, o rile, “Oo, gabotse, bjoo ke bohlanya”? A Moya wo Mokgethwa o ka kgona, go ba Moya wo Mokgethwa wa nnete, go gana Lentšu la Wona Mong? [Phuthego e re, “Aowa.”—Mor.] Aowa. O swanetše go dula le Lentšu gobane Ke Modimo. Le a bona?

<sup>133</sup> O lebeletše eng? O bona eng? Re swanetše go bona Jesu. Gomme tsela e nnoši re bonago Jesu, go bona Lentšu. *Le ke le—le Leswao la tlhago la Moya. Le tseba se ke se rago? Ke Lengwalo leo Moya o le phedišago. Le a bona? Leo ke Lengwalo, leo, gomme Moya o phediša Lengwalo le le go Le dira kgonthe. Ya.*

<sup>134</sup> Moshe o lebeletše ka tumelo. Gomme monna lehono yo a bonago lenaneo la Modimo, o dira selo sa go swana, o lebelela ka tumelo.

<sup>135</sup> Moshe, moragwana, o bone selo se segolo se. Ge batho ba tsena bothateng, o dirile eng? O dirile sephente go tšwa go mphiri, a e bea godimo ga kota. Gomme o rile, ge ba lomilwe ke disephente, ka lebaka la gosedumele ga bona, gore, “Mang le mang a lebeletšego sephente ye o phetše.” Hlokamelang. Monna yo o no tla le go lebelela . . .

<sup>136</sup> Bjale, lepara, kota ye e bego e le godimo ga yona, e be e le seripa sa mohlare wo o bego o ripetšwe fase kua ka lešokeng, go molaleng seripa sa sephato, goba—goba selo se sengwe se o ka bago naso mo, mohweleretshipi, goba eng kapa eng e ka bago yona. E be e šetše e arogane go tloga go go hloga ga wa yona wa tlhago. E be e hwile, bokagare bja yonamong. Mphiri ka kgonagalo e be e le seripa sa dihelemete go tšwa go Baroma, goba—goba se sengwe seo ba se tšerego ka go tlhakodišo. E ile ya kgolokwa le go bewa mmogo, le go dirwa sephente.

<sup>137</sup> Ge banna ba etla ntle fale, feela bjalo ka modingwana, go lebelela godimo ga sephente yela, ga se ba amogela selo.

<sup>138</sup> Eupša ge modumedi wa therešo a etla ntle kua le go lebelela godimo ga sephente yela, ka Therešo ye e utolotšwego ya semoya . . . Sephente yela yonamong, go beng e be e le ka sebopego sa sephente, e emetše sebe se šetše se ahlotšwe. Ba bone sebe, gosedumele ga bona, go šetše go le ka tlase ga kahlolo, go tloga go sephente go tloga serapeng sa Edene. Gomme sephente e dirilwe ka mphiri, go rago kahlolo Kgethwa. Le a bona?

<sup>139</sup> Aletara e dirilwe go tšwa go mphiri, aletara ya mphiri, yeo sehlabelo se neetšwego godimo ga yona; mphiri, kahlolo Kgethwa.

<sup>140</sup> Moprefeta yo mogolo, Eliya, ge a lebeletše godimo mafaufaung, ka matšatšing a bodiredi bja gagwe, mengwaga ye meraro le seripa, gomme go be go se—go se meetse, le gannyane. O rile, “Mafaufau a bogega boka mphiri.” E be e le eng? Kahlolo Kgethwa godimo ga setšhaba sa gosedumele, molaetša wa Modimo, gore tumelo ya bona e be e fifala kudu, e be e sa kgone go e bona ka letšatšing leo.

<sup>141</sup> Ke a makala lehono, ge eba re bona dihaetrotšene le dioksitšene, le dipomo le dilo tšeо re di hlotšego, ke a makala ge eba ga re bone setšhaba, nako, e bogega boka mphiri. Ke kahlolo Kgethwa.

<sup>142</sup> Re tlile ra ba ba go tlala kudu—kudu ka mahlale a rena. Re rutile bana ba rena go fihla re hwetša sehlopha sa boRicky. Gomme re na le se re nago naso, le dikereke tša rena le dilo. Gomme bašemane ba rena ba eya diseminaring, ba tšwela ntlemo, le go ya tlase kua le go ithuta Ph.D. le L.L.D. A ke le botšeng se sengwe. Nako le nako ge a hwetša e tee, o ya kgojana le kgojana go tloga go Modimo.

<sup>143</sup> Modimo o bonolo kudu. Lebaka leo motho a sa kgonego go hwetša Modimo, ga a be bonolo go lekanelia.

Yo mongwe o rile, “Ngwanešu Branham, o bona dipono bjang?”

<sup>144</sup> Ga se nna. Le a bona? O—o swanetše go itloša wenamong go seswantšho. Modimo o dirile tshepišo. Modimo o swanetše go dula le tshepišo yeo. Eupša o swanetše go ba bonolo go lekanelia go tšwela ka ntlemo tsela ya gago mong.

<sup>145</sup> Yo mongwe o rile, “Yo e tla ba monna yo mogolo ge a be a na le L.L.D. go tšwa kholetšheng ya rena.” Ge a dira, o no ya sekgala se sengwe go tšwa go Modimo.

<sup>146</sup> “Banna lehono ba ka kgora go romela molaetša,” ke rile, “go ngwedi, eupša o sepela godimo ga tsebjana ya bjang moo a sa kgonago go hlaloša ge a swanetše go dira.” Modimo o fihlilwe mo bonolong. Le a bona? O ka se be bonolo go lekanelia. Monna o hwetša thuto, selo sa pele a se tsebago, ke yo mogolo kudu, a ka se kgone go ikokobetša yenamong.

<sup>147</sup> Gomme Modimo ke yo mogolo kudu, gore O ikokobetša Yenamong le go ikuta Yenamong go modiradibe. Jesu o lebogile Modimo bakeng sa yona. O rile, “Ke a Go leboga, Tate, Mohlodi wa magodimo le lefase, wena o fihlile Se go bahlale le ba tlhaologanyo, gomme o tla Se utolla go bana bjalo ka ba ba ithutago.” Tsela ya go tseba Modimo ke go ba bonolo. Tsela ya go ya godimo ke fase.

<sup>148</sup> Pale ya leboa goba ya borwa ke tsela efe? O ema sebakabakeng. Le a bona?

<sup>149</sup> Tsela ya go ya godimo ke fase. “Yo a ikokobetšago ka boyena o tla phagamišwa. Yo a iphagamišago o tla kokobetšwa.” Le a

bona? Re swanetše go ikokobetša renabeng, e sego go leka go tseba bontši kudu.

<sup>150</sup> E no tseba selo se tee. Tsepamiša se sengwe le se sengwe gape go tloga tseleng, gomme lebelela go Kriste. Ge o sa tsebe mokgwa wa go ngwala leina la gago, seo ga se na le selo se tee go dira le yona. E no tsepamiša pelo ya gago go Kriste le thato ya Gagwe, gomme o šetše se se diregago. Ee. Nnete.

<sup>151</sup> Bjale, ba bantši ba tlie kua gomme ba bone, ba rile, “Go ne sephente ye kgolo. Batho ba ya ntle kua gomme ba a fodišwa, ka go lebelela sephente. Mohlomongwe bokaone re tsee lapa le go ya godimo.”

<sup>152</sup> O kwa dilo tše bjalo lehono. “Go na le mofodiši yo mogolo yo a tlago toropong. Gomme yena, fale, bohole re tla ya godimo le go fola.” Bjale, ge o nagana ka tsela yeo, ka kgontho na le khamera ya gago e tšwile tsepamong. Ee, mohlomphegi.

<sup>153</sup> E tsepamiša go Jesu, gomme Yena a nnoši. Lebelela go Yena, gomme le tla bona se morero wa Modimo o lego.

<sup>154</sup> Bjale, ge Mohebere yola a etla godimo fale le go lebelela sephente yela ya mphiri, gomme o rile, “Mphiri wola, sephente yela, e ra sebe šetše se ahlotšwe. Mphiri ke kahlolo Kgethwa godimo ga yona, gomme Modimo o ahlotše dibe tša ka. Gomme—gomme ke... Ka sephente ye ya mphiri, e emela se sengwe se swanetše go tla, sebe šetše se ahlotšwe. Ke lokologile.” O fodišitšwe. Yeo ke nnete.

<sup>155</sup> Gomme lehono, Jesu o boletše ka go Mokgethwa Johane 3:14, “Bjalo ka ge Moshe a phagamišitše sephente ya mphiri ka lešokeng, kafao Morwa wa motho o swanetše go phagamišetšwe godimo.” Ge le ka kgona go lebelela godimo ga Gagwe; e sego bjalo ka monna wa kereke, e sego bjalo ka moprofeta, e sego feela bjaj ka monna wa go loka, e sego bjalo ka motho wa boraro wa thrinithi, goba se sengwe. Ge o ka kgona go lebelela godimo ga Gagwe bjalo ka go ba Imanuele, Yenamong, Yo a tliego fase le go fa bophelo bja Gagwe. Gomme a phagamišetšwa godimo, “Gore mang le mang a dumelago go Yena a ka se ke a senyega, eupša o na le Bophelo bjo Bosafelego.”

<sup>156</sup> Ge o ka tsepamiša khamera ya gago go fihla o bona seo, gomme wa tseba go tšere bophelo bja Modimo, Yenamong, ge A dirile bophelo bja Gagwe mo. O be a se a swanelo go bo neela. O bo beile fase, ka tokologo. O be a le Modimo. O be a se a swanelo go hwa, eupša O e dirile, mahala, o file bophelo bja Gagwe mong, gore A ke a tliše barwa go Yena, gore mošomo wa Gagwe o ke o tšwelepele. “Mediro ye Ke e dirago,” Johane 14:12, “mediro ye Ke e dirago, le tla e dira le lena.” Ge dilo di ka dirwa ka mokgwa woo, gomme o ka kgona go Mmona gomme wa bona Yena a nnoši, gona o tla bea khamera ya gago tsepamong, o a bona, go lefelo moo Modimo a ka go šomišago. Ka kgontho.

<sup>157</sup> Bjale, ge o ka no lebelela godimo ga yona, wa re, "Ke na le sefapano se sennyane se lekeletše ka koloing ya ka. Ke na le se tee ka legaeng la ka, sefapano." Seo se gabotse. Eupša seo ga se se e lego sona. Seo ga se se A bolelago ka sona.

<sup>158</sup> O swanetše go bona gore Modimo o a tseba gore o modiradibe. Gomme gore o ipoletše dibe tša gago, gomme Modimo o beile bokgopo bja gago godimo ga Gagwe, godimo ga Gagwemong, gomme a ba motho. O tshetše ngangego ya Gagwe, gomme a tla fase go tšwa go beng Modimo, go ba motho, gore A ke a hwe sebakeng sa gago, go neela Yenamong bakeng sa gago. Gomme o ipoletše sebe sa gago. Gomme e sego Clorox ye e dirilwego. Eupša ma—ma maatla a Modimo ao a dirilwego Madi, gore A ke a tloše madi a gago a sebe ka kganyogo ya thobalano, le go go dira monna le mosadi wa go lokologa wa Modimo. Ke lena bao.

<sup>159</sup> O lebeletše eng? O re, "Oo, ke nna wa Assemblies of God. Ke nna wa United Pentecostal. Ke nna wa Methodist, Baptist." O sa itsepamiša thoko wenamong.

<sup>160</sup> Itsepamiša wenamong go Jesu Kriste. Amene. Ekwa karabo e etla morago, "Tšohle dibe tša gago, e lego tše ntši, tšohle di lebaletšwe." Eba phe- . . .

<sup>161</sup> Phegelela, go swana le mosadi yo monnyane wa Sirofenike. Ga go kgathale ke manyami a makae a bilego le ona, ge a etla tlase, o be a sa itsepamišitše yenamong, gore yoo e be e le Modimo. Gomme o tlie go Yena gomme a hwetša se a bego a se kgopela, ka baka la gore o bile le tsepamiša ya gagwe ka nepagalo. O bile le yona, ga go kgathale ke phefo ye kae e tšutlago, gomme e re, "Matšatši a mehlolo a fetile. Monnamogatša wa gago o tla go tlogela." Seo ga se se mo tshwenye nthathana. Kolo yela e ile thwi go ntlha ya yona. Amene. Re ka kgona go tsepamiša go . . .

<sup>162</sup> [Ga go selo go theipi—Mor.] . . . nako. Gona re Mo lebeletše go tla, yoo ke yena a yago. Oo, nna! Le a bona, o swanetše go hwetsa morero. O swanetše go tseba se e lego.

<sup>163</sup> Lebelelang go kgoro ya dinku. Go be go le batho. Modimo ka mehla o be a na le tsela ya motho go lebelela phološo. Sephente yela ya mphiri, batho ba ile ba swanela go e lebelela. Yeo ke nnete. Gomme mo kgorong ya dinku, ba ile ba swanela go e lebelela. Bona batho ba dutše fale.

<sup>164</sup> A re naganeng e be e le sepetlele. Go be go le ba bantši ba babjago le go tlaisega. Go be go le dikete, mašaba a robetše kua, boka sepetlele lehono. Diatla tše bonanana tša baratwa ba bona di ba hlokometše, feela tlwa boka ba ka dira ka sepetlele lehono.

<sup>165</sup> Ba be ba letile. Mahlo a bona a be a šeditše meetse ale. Go be go le mathudi a mahlano moo kgoro ya dinku e bego e le. Ka . . . Ke ka ntle ga Jerusalema, le kua, goba keiti ye. Gomme

ka gona ge a etla ka gare, o šeditše. Go ile gwa swanelo go ba se sengwe sa kagodimogatlhago se diregago. Gomme ka pela ge sela sa kagodimogatlhago se diregile, ba e dirile e potlake bakeng sa yona.

<sup>166</sup> Lebelelang kereke lehono. Modimo o re nyaka re hlokomela sa kagodimogatlhago ge Lentšu la Gagwe le dirwa go bonagala le go hlatselwa. Bjale re tšhaba go tloga go yona gobane ga se ya kgomagana le mekgatlo ya rena. Le a bona?

<sup>167</sup> Mo kgorong ya dinku, ba be ba šeditše mosepelo wa kagodimogatlhago. Modimo ka mehla o sepetsé go kgabola batho ba Gagwe, ka bohlatse bja kagodimogatlhago bja tshepišo ya Gagwe. O tshepišitše O tla e dira. Ge ba bone tshepišo yela e thoma go sepela, ka go sa kagodimogatlhago, ba tabogetše thwi ka go yona le go e tsea.

<sup>168</sup> Lehono, le bjale, Moya wo Mokgethwa, maatla a kagodimogatlhago a Modimo, a ka lefaseng, a a sepela, a laetša dilo. Gomme batho ba tšhaba go tloga go Lona, sebakeng sa go tsena ka go Lona, Lentšu le dirilwe nama le go hlatselwa, tšona dilo tše A di dirilego le go tshepiša gore re tla di dira, ba dira dilo tša go swana. Gomme ge Le se la kgomagana le dihlopha tša rena, ga re na selo go dira le Lona. Yeo ke nnete.

<sup>169</sup> Jesu o ile gomme a hwetša motho yo motee ka kerekeng yohle. O re, “A Modimo o fodiša bohole?” Aowa, mohlomphegi.

<sup>170</sup> Gomme baena ba Pentecostal, a nke ke lahlele se go lena. Le lebeletše nako ya go tla yeo ge fao go eya go ba banna ba ba tsogago lefaseng, le go ya ntla ka dipetlele le go ba lokolla, le go re sepetlele ka moka se sepelele. Le se tsoge la forwa ka mokgwa woo. Le a ntumela. Le dumela ao ke maaka. Ga se nke ya ke ya dirwa. Ge Jesu . . .

<sup>171</sup> A re reng yeo e be e le sepetlele. O ile ka kua ka tlhahlo ya Moya. O hweditše monna yo motee yo A tsebilego o be a loketše. Gomme O boletše, monna yola. O mmuditše sephiri sa bophelo bja gagwe, o mmuditše fale.

<sup>172</sup> O be a sa palelwe ke go sepela. O be a kgona go sepela. Yo mongwe o be a ka kgona go mo šia, a kitima. O rile, “Ge ke etla, dikgato tše dingwe pele ga ka.” Le a bona? O be a se sefofu, ebile o be a se sefa, ebile o be a se semuma. O be a se a golofala. O bile le mohuta tsoko wa bolwetsi bja go se itekanele, bo be bo sa ye go mmolaya. O bile le bjona mengwaga ye masometharo seswai. Gomme o be a leka go ya tlase kua, gomme yo mongwe bokaonana gannyane go mo feta, nako yeo maatla a Morongwa a tlogile.

<sup>173</sup> Re ya ka gare lehono le go hwetša monna wa Modimo, a hlahlwa ke Moya wa Modimo, o bona pono, o a ya, o dira se sengwe boka seo, gomme ba re, “Gobaneng, Jones šo, o dutše mo khoneng. A nke ke le bone bafodiši le mo fodiša.”

<sup>174</sup> Le bona diabolo yola wa kgale wa go swana, yoo a boletšego go Jesu, ka lešela le tatilwe go dikologa mahlo a Gagwe? Gomme o rile... O Mmethile mo hlogong ka phata. Gomme o rile... O fetotše lepara, go tloga seatleng se tee go ya go se sengwe. O rile, “Re botše ke mang a Go iteilego. Re tla dumela O moprofeta, gona.”

<sup>175</sup> Gobaneng, pele lefase le ka tsoge la thoma, O tsebile ke mang a bilego le lepara lela ka seatleng sa bona. Ga se A direle motho motlae. O dirile tlwa se thato ya Modimo e bilego. Kereke e tla dira go swana. Le a bona?

<sup>176</sup> Kgoro ya dinku, eupša ba be ba hlokometše se sengwe. Ba be ba lebeletše se sengwe.

<sup>177</sup> Bjale, ge bona ba rile, “Oo, gabotse, re tla ya godimo fale le go bona se ka moka ga bona ba se dirago. Re tla bona ge eba seo se lebega kagodimogatlhago.” Ga ba tsoge ba hwetša selo.

<sup>178</sup> Eupša ke monna yola a bego a swanetše go gatelela godimo, e sego go dula ka morago, eupša ka pele; monna yola yo a letilego bakeng sa pitšo ya aletara, monna yola yo a letilego go bona se sengwe sa kagodimogatlhago.

<sup>179</sup> Go swana le monna yo mo, mošemane wa Ngwanešu Williams, o goletše ka lapeng la Pentecostal. Eupša, go le bjalo, nako ye nngwe, ke eme ka kopanong moo tatagwe a ikwetšego a hlahlwa go mo romela, gomme fale moisa yola yo moswa a eme fale, gomme o bone seatla sa kagodimogatlhago sa Modimo, ka pela o bile Mokriste. O be a loketše go O amogela, ka gore o bone go sepela ga meetse. O tsebile gore fao go be go le selo se sengwe sa kagodimogatlhago.

<sup>180</sup> Ga se “tšoena kereke, šišinya diatla, le milione go feta ka '44, goba kereke ye mpsha, moago wo moswa, goba se sengwe se seswa.”

<sup>181</sup> E be e le bophelo bjo boswa, bjoo bo tlilego ka mosepelo wa kagodimogatlhago, bjoo ba bego ba bo lebeletše go direga. Ba tsebile sehla se sengwe le se sengwe se itšego; morago ba tla fase, gomme ba letile.

<sup>182</sup> Bjale, ge e sa ye pele nako yohle, gomme re ka godimo ga ntlo, re taboga go dikologa, re ikwela, “Gabotse, re tla tlogela kereke ye. E a tšidifala.” A ditšiebadimo! Ga re kgone go leta bjang! Abraham ga se a ke, a leta... Ga se a ke a nagana Modimo o fodile. O letile mengwaga ye masomepedi tlhano, morago o bone seatla sa Modimo se sepela.

<sup>183</sup> Ba ile ba leta kgorong ya dinku, go tloga kgwedi go ya kgweding, ka gore eng kapa eng e bego e le yona, ka baka la mosepelo wo motee wola wa kagodimogatlhago. Eupša ba e lebeletše. Oo, nna! Ba be ba e lebeletše.

<sup>184</sup> Gomme lehono re lahlegetšwe ke pono yeo, Pentecost. Re lahlegetšwe ke se sengwe. A re lebeleleng go Kriste.

Dikerekemaina tša rena di phatlaletše ka boyona go fihla e phamoga tseleng, gomme bjale re a lwa le go leka go hwetša dikereke tše dintši le tše kgolwane, le magoro a godingwana, le bareri ba go rutega bokaonana, le dilo. Gomme re na le eng? Re ile kgole go tloga go sona Selo seo Modimo a re boditšego go se lebelela. O lebeletše eng?

Lebelela gomme o phele. Seo ke se re swanetšego go se dira ge re letetše go phela.

<sup>185</sup> Ba bangwe ba ka be ba ba segile, ba rile, “Sehlopha sela sa bapshikologibakgethwa tlase kua, tlase kua go dikologa mogobe wola. Gobaneng, ba re go na le... Gobaneng, ga se selo eupša phefo. Gabotse, phefo e tla fase, e fokela meetse morago.”

<sup>186</sup> E sego go bona. E be e le Morongwa wa kgaogelo. E be e le Morongwa wa phodišo. Gomme ke a dumela e be e le Morongwa, le ge go bonala bonolo kudu. Eupša, le a bona, Modimo o ikuta mo bonolong.

<sup>187</sup> Ke bile le bona go tla kopanong, ba re, “Ngwanešu Branham, ke be ke sa tsebe o be o le mopshikologimokgethwa. Gobane, ke lemogile sehlopha sela sohle se goeletša, le go lla, le go ya pele ge o be o bolela, se goeletša ‘amene’ le go ya pele. Gobaneng, seo ga se selo eupša maikutlo.” E ka no ba go lena ba le sa dumelego.

<sup>188</sup> Eupša, go rena ba re latswitšego dilo tše botse tša Modimo; rena ba re tsebago gore Moya wo Mokgethwa ke eng!

<sup>189</sup> O re, “Bona batho ba bolela ka maleme, ba no beberetša selo se sengwe. Ba no... E no ba bohlale. E no ba modirelo tsoko.” Goba yo mongwe o re... E ka no ba, go wena.

<sup>190</sup> Eupša go moisa yola O wela godimo, O fapano go yena. Ee, mohlomphegi. Ee, mohlomphegi.

<sup>191</sup> O re, “Gabotse, bjale, o a tseba, e no ba letšatši la... Seo ke selo seo. Fao go—fao go... Gabotse, batho ba ka se dumele seo.”

<sup>192</sup> Seo se ka se thibele mosepelo wa kgontha wa Modimo, le gannyane. Jesu o tla thwi ka bogareng bja gosedumele, eupša ga se nke ya Mo emiša nthathana. O ile pele thwi.

<sup>193</sup> Batho lehono, ga go kgathale ba leka bjang, bontši ba leka go re Ke bohlanya, batho ba ya thwi pele ba Le dumela. Ba ka se kgone go Le hlatholla. Ga ba tsebe gore Ke eng. Ba a tseba ba na le kgopolو ya gore Ke eng.

<sup>194</sup> Boka Benjamin Franklin, ka khaete ka seatleng sa gagwe, o rile, “Ke o hweditše. Ke o hweditše. Ke o hweditše.” O tsebile o bile le se sengwe.

<sup>195</sup> Kafao monna yo le mosadi ba dira bjalo, ba ba ka se kgonego go go botša se e lego diathomo, ke dimolekule tše kae di lego ka go athomo, eupša ba a tseba ba ne Moya wo Mokgethwa. Gobane gobaneng? Ba e korotše ka Lentšu la Modimo, se Petro a se boletšego ka letšatši la Pentecost. “Sokologang, yo mongwe

le yo mongwe wa lena gomme le kolobetšweng Leineng la Jesu Kriste bakeng sa tebalelo ya dibe tša lena, gomme le tla amogela neo ya Moya wo Mokgethw." Ge sebe sela sa go ipolelwa se wela ka go Madi ale, Madi ohle, se tlošitšwe. Madi a tloša sebe, gomme motho o ema bjalo ka morwa wa Modimo. Amene.

<sup>196</sup> Ka gona o korotšwe, "Kgopelang se le se ratago gomme le tla se direlw." Ka gona, feela ka mokgwa wo mongwe goba wo mongwe, o bonala o tseba thato ya Modimo. Tsela tsoko ya kagodimogatlhago, go ne go sepela, se sengwe ka go wena, se re, "Eya godimo *fa* gomme o dire *sela*. Eya tlase *fa* gomme o dire *sela*." Le a bona, go na le se sengwe ka go wena, ka mehla se betha senepša feela tlwa ka tsela ye se swanetšego go ba. Oo, go makatša bjang!

<sup>197</sup> Re swanetše go tswalela gobane go ba thari kudu bjale. Feel a metsotso e se mekae boteletšana.

<sup>198</sup> Bona batho ba ka be ba segile, eupša seo ga se sa ba emiša. Ba letile feela go swana.

<sup>199</sup> Batho ba ka no re, kereke ya ren, baena ba ren, "Go—go fola ga Molaetša," le go ya pele.

<sup>200</sup> Ga se wa fola. Re šeditše go sepela ga meetse. Ke šeditše go bona se sengwe se direga. Ke fa ka Tucson bjale. Gobaneng? Ga ke tsebe. Meetse a ntlišitše tlase fa. Ke šeditše go bona se sengwe se direga. Se ya go direga.

<sup>201</sup> Ke le boditše, ge ke etla mo, letšatši le lengwe, "Se sengwe se tla direga. Go tla ba modumo goba mothuthupo o direga, wona mahuto a šupago a tla pele." Hwetšang ditheipi gomme le hwetše ge eba ke nnete goba aowa. Le a bona? Oo, re letela mosepelo wa meetse.

<sup>202</sup> Re bone se sengwe, se dutše morago, godimo ga sefapano, lehlakoreng la leganata lela leboa la Tucson. Feel a se ke le boditšego fa, pele se direga. Ke be ke tomola diloka tšela tše nnyane go fale, gomme feela nako yeo ya rifoga, gomme ya šikinya thaba ka moka. Maswika a tokologela fase, le dilo tša go swana le tše. Gomme Moya wo Mokgethw wa retologa, wa re, "Boela legaeng la gago ka pela, ka gore Mahuto a Šupago a ya go bulwa." Hwetšang ditheipi gomme le hwetše. Seo ke O RIALO MORENA, e boletšwe pele e direga, le se sengwe le se sengwe. Hwetša ge eba ke Therešo, goba aowa. Ge ke sepetše, seo se sa phela.

<sup>203</sup> Re mo nakong ya bofelo, bagwera. Ke lebeletše Jesu go tla. Morena Jesu yola wa go šegofala Yo ke mo ratilego, gomme ke neetše bophelo bja ka go yena, bjalo ka lesogana, ke sa lebeletše Yena go tla. Ke a dumela O tla dira. Le ge, boka Abraham, e ka no dikadika. Efela, ke ba go tia kudu le bontši ka leratong le Yena, go itlhagiša nnamong tšatši ka tšatši go Yena. Ke a

tseba modumedi yo mongwe le yo mongwe ka fa o dira selo sa go swana.

<sup>204</sup> Ga go kgathale se ba bangwe ba se bolelago, “Oo, o nomoro ya morago. O swanetše go . . . Ga ke kgathale se ba se bolelago.

<sup>205</sup> Ke sa dumela Modimo. Ke tsepametše ka gare go Lentšu le go tseba Therešo yeo. Ga go yo a kilego a kgon a go ntšišinya go tloga go yona le bjale. Ge feela Modimo a swere pelo ya ka thwi go otloga go Lentšu lela, ke tla dula fale. Amene.

<sup>206</sup> Eliya, yena, letšatši le lengwe ge a be a lebeletše se sengwe go tla, go tliša thušo go batho, o lebeletše. Gomme o lebeletše go fihla mokgalabje, bogolo bja mengwaga ye masomeseswai le metšo, o be a lapile kudu go namela thaba, ka morago ga go ikona, a rapela. Eupša Modimo o mmoditše, ge ba ka sokologa, se sengwe se tla direga. O be a lebeletše eng? O rometše mohlanka wa gagwe godimo, o rile, “Eya godimo gomme o lebelele. Lebelela. Se sengwe se ya go direga.” Mengwaga ye meraro le seripa, gomme go se pula, go se leri, ebile go se phoka e rothago. Eupša o rile, “Eya, lebelela.” Gomme Eliya goba . . .

<sup>207</sup> Gehasi o eme le go lebelela, le go lebelela le go lebelela. Ga se a bona selo. O boile morago fase. O rile, “Ga se ke bone selo.”

“Eya morago gape.” Amene. “Eya morago gomme o dule go fihla e direga.”

<sup>208</sup> Gomme Eliya o ya morago . . . goba, ke ra, Gehasi, gomme o a lebelela le go lebelela le go lebelela.

<sup>209</sup> Gomme Eliya, hlogo yela ye nnyane ya lefatla a dutše fale ka letšatšing, gomme ditedu tša gagwe le maledu a gagwe, maledu a mašweu, le wona matsogo a mannyane a go lebega marapo go kgabaganya matolo a gagwe. O rile, “Morena Modimo,” ge a thoma go rapela.

<sup>210</sup> O rile, “Eya morago gape bjale.” Amene. O be a dira eng? O be a lebeletše Modimo go hlokomela tshepišo ya Gagwe, ga go kgathale le lebega mphiri gakaakang, ke kahlolo ye ntši gakaakang godimo ga lona. Yeo ke mnete.

<sup>211</sup> Yo mongwe o rile, letšatši le lengwe, o rile, “Ngwanešu Branham, o dumela Leo, gomme o bolela kudu kgahlanong le mekgatlo ya mabodumedi. Ke eng e go dirago go dira seo?”

<sup>212</sup> Ke rile, “Ga go selo kgahlanong le baena ka mokgatlong wola, eupša ke tshepedišo ke ye ke lego kgahlanong le yona.”

<sup>213</sup> Go swana le barutiwa ba eya go omiša mmele wa Jesu. Mmele wola o be o le kgaušwi le go lokela go bola, yeo ke therešo, e be e le monkgo wo mobe. Eupša ba dutše thwi le wona.

<sup>214</sup> Seo ke selo sa go swana lehono, le ge kereke e itlhakahlantše yonamong. E ka go mehuta yohle ya maemo. E phatlogile ka go diism le bofomale le se sengwe le se sengwe, eupša ke swanetše go dula le yona. Re swanetše go dula fale. Re swanetše go dula fale

gobane re a e rata. Go ne se sengwe ka go rena, se re gapeletšago. Morethetho go tšwa pelong ya rena o re, “Dulang le yona, gobane go ya go ba le tsogo letšatši le lengwe, gomme Modimo o tla tsea go tšwa go yeo.” Amene. Ee. Morena Jesu wa go makatša! Go lokile.

<sup>215</sup> Re a hwetša, Eliya o tšwetšepele a lebeletše go fihla a bone feelsa bogolo bja seatla sa motho.

<sup>216</sup> Bjale, gosedumele go ka be go swere yeo thwi ka pela. “Ge seo e le se sekaonekaone o ka kgonago go se dira?” Le a bona? “Ge seo e le sohle o ka kgonago go se dira, gabotse, se buše morago.”

<sup>217</sup> Eupša e be e le eng? O be a lebeletše sa kagodimogatlhago. Oo, o tsebile feelsa seatla sa Modimo se ka e dira. Gomme ge a bone seatla sela, J-e-s-u, o bile le t-u-m-e-l-o. Ee. Gomme ge a e bone, o rile, “Ke kwa modumo wa matlorotloro a pula.” E be e le eng? O amogetše mosepelo wa mathomo.

<sup>218</sup> Oo, mosedumele, mosong wo, lena ba le bego le hlakahlakane gohole ka go dikolobetšo tša lena tša meetse le se sengwe le se sengwe gape, a nke Moya wa Modimo o bule mahlo a lena le go le bontšha feelsa se sengwe se sennyane, gona le thoma go tloga fao. “Ke kwa modumo wa matlorotloro a pula.” Lena ba le dumelago dithutotumelo sebakeng sa Lentšu, etlang morago go Lentšu, nno bonang mosepelo wo monnyane wa mathomo. Tumelo e o amogetše. “Fao ke se ke se lebeletše.”

<sup>219</sup> Re lebeletše go Tla ga Morena. Re lebelela Moya wo Mokgethwa o ewa ka matšatšing a mafelelo. Re lebelela maswao le matete. Re šetša se se diregago. Le a bona? A ga le bone? Le lebeletše eng? Seo ke tlwa se Modimo a rilego se tla direga. A nke tumelo e se sware, e re, “Ke a se nyaka, le nna.”

<sup>220</sup> Šetšang Eliya. Ge a e amogetše, le a tseba bophelo bja gagwe bo swanetše go be bo mpshafaditswe. O šiile koloi ya Ahaba ka lebelo. O kitimile pele ga koloi, mola a sa kgone eibile le go namela thaba. O kitimile pele ga dipere tšela tša lebelo. “Ntšhang metomo ya pula. Ke kwa modumo wa matlorotloro a pula.” Mosepelo wo monnyane wa mathomo, “Letago!”

<sup>221</sup> Mosepelo wo monnyane wa mathomo ka mogobeng wa Betheseda, ba kitimela go fihla go Wona. Amene.

<sup>222</sup> Oo, ge batho fa, ge eba ga se le amogege Moya wo Mokgethwa mosong wo, ge modungwana wola wa mathomo wo monnyane o ka re, “Yeo ke Therešo. Monna yola o bolela Lentšu leo e lego Therešo,” gona potlakang ka pela ka mo le kgonago. Le se ke la leta. O lebeletše eng? O letile eng? Iri e thari go feta o nagana. Sepela go E leba, ka lebelo ka mo o kgonago. Gobaneng? Ge Eliya a bone mosepelo wola, e be e le bohlatse bja thapelo ye e arabilwego.

<sup>223</sup> O Modimo, ke duma gore motho yo mongwe le yo mongwe a babjago fa mosong wo, ba ba ikwelago Moya wo Mokgethwa wo

ka bogoneng bja rena bjale, ba ka kgona go lemoga seo. Bjoo ke bohlatse bja thapelo ye o e rapetšego, e arabilwe ka Bogoneng bja Modimo. Monna yo mongwe le yo mongwe yo a nyakago kolobetšo ya Moya wo Mokgethwa, ge o ka ikwela maikutlo a mabotse ale a mannyane, a bolela gore, “Ke a dumela yeo ke Therešo”; ge o ka tsea yeo, “Bjoo ke bohlatse bja thapelo ya ka ye e arabilwego”; phagamišetša diatla tša gago godimo gomme o re, “Modimo, ke a O amogela bjale,” se sengwe se tla direga. Go ya le ka . . .

<sup>224</sup> Modimo o lahlela maswao gohole go re dikologa, gomme re sa sepelela thwi pele, feela ka ntle ga tsela ya yona. Ya. Oo, nna!

Eliya o tsebile e be e le karabo ya thapelo.

<sup>225</sup> Jona o ganne go bona eng kapa eng e bego e le kgahlanong. O be a le tlase ka mpeng ya hlapikgolo, ka tlase ga lewatle. Eupša o rile, “Seo se ka se nkute.” O rile, “Gatee gape ke tla lebelela go lebanya tempele ye kgethwa ya Gago.” O be a lebeletše eng? Gabotse o be a sa kgone go bona tempele, eupša o bone tshepišo e dirwa ka tempele.

<sup>226</sup> O Modimo, ge re ka no kgona feela go bona tshepišo ya Lentšu, gore Kriste o tshepišitše, “Kae kapa kae mo ba babedi goba ba bararo ba kopanego Leineng la Ka, Ke fao magareng ga bona. Gomme eng kapa eng ba e kgopelago, ba tla e amogela.” Ge feela re ka kgona go e bona, gomme mosepele wa mathomo, sepelela thwi ka go Yona. Le se ke la leta botelele bjo bo itšego. O lebeletše eng?

<sup>227</sup> Modimo o araba thapelo ya gago, le go E bea yohle go go dikologa, gona o re, “Gabotse, bjale, a nke ke bone, ke eng se semangmang a tla se bolelago?” Oo, le se ke la dira seo.

<sup>228</sup> Lebelelang Kriste. Lebelelang go se A se boletšego, “Ke fao moo ba babedi goba ba bararo ba kgobokanego Leineng la Ka. Ke fao magareng ga bona. A ba kgopele. Ba tla amogela.” A tshepišo, a tshepišo ye Kgethwa!

O ganne go bona e ka ba eng yeo e tla mo dirago a belaеle.

<sup>229</sup> Ge diabolo a re, go lena, e reng, “Bjale, ema motsotsso, mohlomongwe bosegong bjo o ka no ba kaonana gannyane nthatana, ge tsošeletšo e thoma.” Go ka no ba botse, seo se ka no ba gabotse, eupša se lete go fihla tsošeletšo e thoma. Eba . . .

<sup>230</sup> E ba karolo ya tsošeletšo thwi bjale. Modimo o nyaka go e thoma ka go wena. Modimo o nyaka go e thoma ka kerekeng. Moya wo Mokgethwa o tla tsea motseta, nako yeo, le go romela pele Molaetša. Modimo o tla hlatsela Molaetša woo, maswao a magolo le dimaka. Le a bona? Gana go bona eng kapa eng e ka go dirago o belaеle.

<sup>231</sup> Jona o dirile, gomme Modimo a mo lokolla go tšwa mpeng ya hlapikgolo. Nnete. Ee, mohlomphegi.

<sup>232</sup> Jobo, ge ebole le bagwera ba gagwe bohole ba mo ganne, se sengwe le se sengwe se be se fošagetše, Jobo o tšwetšepele a lebeletše go leba leratadimeng. Ba bangwe ba bona ba rile, "O modiradibe wa sephiri. O—o, o lebeletše. Jobo, o lebeletšeng godimo ka tsela *yeo?* Gobane o dirile sebe, Modimo o šetše a netefaditše se A se dirilego go wena. O modiradibe wa sephiri, Jobo."

<sup>233</sup> Jobo o be a tseba gore o be a se modiradibe. O be a kopane tlwa le Lentšu le lengwe le le lengwe Modimo a bego a le nyaka, sehlabelo sela sa go tshungwa. Moneelo wola wa go tshungwa e bille tšohle Modimo a di kgopetšego. Modimo o kgopetše feela moneelo wa go tshungwa, gomme Jobo o tsebile o be a dirile sehlabelo sa sehlabelo sa go tshungwa.

<sup>234</sup> Modimo o no go kgopela go dumela Lentšu la Gagwe. Amene. Amene. Ga A kgopele diism tšohle tše le dithutotumelo, le se sengwe le se sengwe gape. O kgopela wena go Mo dumela. "Yo a dumelago go Nna!" Amene, le amene. "Yo a dumelago go Nna, mediro ye Ke e dirago!" "Lebelelang go Yena, mafelelo ohle a lefase, gomme le phele." "O a swana maabane, lehono, le go ya go ile." Amene, le amene. Ee, mohlomphegi. Le se ke la letela e ka ba eng gape. Lebelelang.

<sup>235</sup> Jobo o eme le go lebelela. O bone nama ya gagwe, tshenyego yohle. O bone madi godimo ga gagwe. O bone dišo godimo ga gagwe. Mosadimogatša wa gagwe o a tla. Maloko a kereke ya gagwe a mo tlogetše, gomme a mo phara ka go ba modiradibe wa sephiri. Mosadimogatša wa gagwe o tlie gomme o rile, "O lebega go šokiša. Gobaneng o sa roge Modimo gomme o hwe lehu?"

<sup>236</sup> O rile, "Wena o bolela bjalo ka mosadi wa lešilo. Morena o file, Morena o tšere; a go šegofatšwe Leina la Morena."

<sup>237</sup> E ka ba ka nako yeo, ge a dutše le Lentšu, nako yeo magadima a thoma go gadima, medumo ya rora, gomme moprofeta o lebeletše go leba leratadimeng. Gomme o rile, "Ke a tseba Molopolodi wa ka o a phela. O tla ema ka matšatšing a mafelelo godimo ga lefase le. Le ge, ka morago ga ge diboko tša letlalo di sentše mmele wo, efela ka nameng ya ka ke tla bona Modimo, Yo ke tla mmonago."

<sup>238</sup> Šetšang. Sa pele, O bitšwa "Molopolodi"; sa go latela, Yena ke "Modimo." "Ke a tseba Molopolodi wa ka o a phela. Matšatši a mafelelo, O tla ema lefaseng. Le ge, ka morago ga ge diboko tša letlalo di senya mmele wo, go le bjalo ka nameng ya ka ke tla bona Modimo, Yo ke tla mmonago nnamong. Mahlo a ka a tla bona, gomme e sego yo mongwe." Ge a be a ehwa, gomme mmele wa gagwe o bola, ge a be a sa le ka nameng, o lebeletše go fihla a bone tsogo, haleluya, gomme o tsebile gore o be a akareditšwe ka go yona, gobane o be a boloka Lentšu la Modimo. Lebelela gomme o phele, ngwanešu wa ka. Amene. O bone se morero wa

Modimo o bilego, gomme o e dirile. Modimo o bile le lebaka, go leka Jobo.

<sup>239</sup> O bile le lebaka, go leka batho. Se sengwe le se sengwe se diretšwe lebaka. O dira selo sa go swana bjale. O re romela maswao le matete magareng ga batho. O romela Therešo ya Ebangedi, gomme a ba dira go lebelela godimo ga Yona, go thutotumelo ye e itšego, ba gana Therešo ya nnete gomme ba tšeа thutotumelo; ba gana Ye gomme ba tšeа seo, ge ba tseba Beibele e ruta kgahlanong le seo. Eupša O e dira bakeng sa teko. Gona ga go na boitshwareletšo ka Letšatši la Kahlolo. Oo, nna!

<sup>240</sup> Lebelelang se se tshepišitšwego ka matšatšing a mafelelo. Go tswaleleng bjale, a nke ke bolele se feela pele re tswalela. Lebelelang se se tshepišitšwego ka matšatšing a mafelelo.

<sup>241</sup> Lebelelang se A šetšego a se dirile ka matšatšing a a mafelelo. O tšholletše ntle Moya wo Mokgethwa godimo ga batho ba Gagwe, o tlišitše morago Pentecost ya setlogo gape, o tlišitše morago kolobetšo ya setlogo ya Moya wo Mokgethwa; o tlišitše morago kolobetšo ya meetse ya setlogo, o tlišitše morago se sengwe le se sengwe, morago go setlogo sa yona. O tlie thwi go theoga, le go tliša morago bohlatse bja setlogo bja Kriste, ka go re laetša dipono le diprofeto tše di sego tša ke tša šitwa le nako e tee. O sepela thwi go theoga, se sengwe le se sengwe feela tlwa go swana, go bontšha gore go ka godimo ga monagano wa motho. Ba ka se kgone go dira seo. Ke Modimo.

<sup>242</sup> Šetšang Pilara yela ye kgolo ya Mollo yeo e etilegopele bana ba Israele. Mang kapa mang, moithuti yo mongwe le yo mongwe wa Beibele, o a tseba gore yoo e be e le Morongwa wa Kgwerano, Jesu Kriste.

<sup>243</sup> Bahebere e rile, Bahebere tema ya 11 e boletše, gore, “Moshe o tlogetše Egepeta, a sema kgobogó ya Kriste go ba mahumo a magolwane go feta ale a Egepeta.” Le a bona? E be e le eng? Kriste ka lešokeng.

<sup>244</sup> Ka go Johane 16 goba... Ke kgopela tshwarelo ya lena. Johane 6, ge ba be ba tšeа selalelo, goba e ka ba eng e bilego, go ngwatha borotho le go ba le nako ye kgolo fale mo megobong. Jesu o rile, “Ke nna Borotho bja Bophelo bjo bo tšwago go Modimo Legodimong. Yo a jago nama ya Ka o ne Bophelo bjo Bosafelego, gomme Ke tla mo tsoša letšatšing la ma—ma matšatši a mafelelo.” O tsebile O tla e dira. O rile O be a le Borotho bja Bophelo.

<sup>245</sup> Ba rile, “O itira Modimo Wenamong. O itira Wenamong...” Ba rile, “Eupša, gobaneng, re a tseba O a gafa, bjale.” Go gafa go ra “go tshereana.” “Re a tseba O tshereane. O Monna yo a sego ka godimo ga bogolo bja mengwaga ye masometlhano, gomme fa O re O ‘bone Abraham’? Re a tseba O a gafa. O lahlegetšwe ke monagano wa Gago. O lehlanya la bodumedi.”

O rile, “Pele Abraham a bile, KE NNA.” Amene.

<sup>246</sup> ‘KE NNA’ e be e le eng? Seetša sela sa go tuka ka sethogweng sela. Moshe o Se bone. O Se šeditše matšatši ohle a bophelo bja gagwe, gomme Se mo hlahletše thwi ka go naga ya tshepišo.

<sup>247</sup> Seetša sela sa go swana se tlide tlase gomme se be se eme fale. Gomme O rile, “KE NNA pele Abraham a bile. KE NNA sethogwa sela sa go tuka. KE NNA YO A LEGO GONA, Morongwa yola wa Seetša. Ke tswa go Modimo, gomme Ke ya go Modimo.”

<sup>248</sup> Matšatši a se makae ka morago ga tsogo, Saulo wa Tareso o be a le tseleng ya gagwe go theogela Damaseko, go hlomara Mapentecostal. Gomme ge a le tseleng ya gagwe go theogela fale, go bile le Seetša se segolo se theogetše tlase, go ntšhetša mahlo a gagwe ntle. O kgonne... Ga go le o tee wa bohole ba bona a kgognego go bona Seetša sela, eupša o kgonne. E be e le molaleng go yena go fihla A foufaditše mahlo a gagwe. O rile, “Saulo, Saulo, o Ntlhomaretšeng?”

O rile, “O Mang, Morena?”

<sup>249</sup> O rile, “Ke nna Jesu.” Seetša sela sa go swana seo se bego se le ka sethogweng se se tukago, Seetša sa go swana se be se etšwa go Modimo gomme se ile morago go Modimo.

<sup>250</sup> Gomme re na le seswantšho sa Seetša sela sa go swana magareng ga rena lehono, se dira matete a go swana, le mehlolo ya go swana, le maswao a go swana, gomme efela re lebelela se sengwe gape. Therešo ya Ebangedi, ya bohlatse bja Lentšu, kolobetšo ye ya Moya wo Mokgethwa, kolobetšo Leineng la Jesu Kriste, dilo tše re di rutago, ke Therešo ka go felela. Di hlatseditšwe kae? [Phuthego e re, “Amene.”—Mor.] Amene. Fše! Ke ikwela bodumedi. Ee. Gobaneng? Gobane Moya wo Mokgethwa o fa. Gobane, go dikologa lefase, O e netefaditše, morago le pele, gomme ga a tsoge a palelwa nako ye nngwe. Amene.

<sup>251</sup> O lebeletše eng? O letile eng? Uh-huh. Ke nako. Meetse a a hiduega. Sepelelang ka gare bjale; maswao a matšatši a mafelelo.

<sup>252</sup> “Go tla ba Seetša nakong ya mantšiboa,” le a tseba. Ee. “E tla ba,” Haywood o boletše. Gomme yeo ke nnete. “Tsela ya Letago ka kgonthe le tla e hwetša.” Ee, ka matšatšing a a mafelelo, o tla e dira.

<sup>253</sup> Lebelela. Go ya le gore o lebeletše eng. Lebelela se se dirilwego. Pilara ya Mollo, Moya wo Mokgethwa, O a swana maabane, lehono, le go ya go ile. Bjale a re lebeleleng. A re dumeleng. A re kwesišeng gore re ka matšatšing a mafelelo. Re ka diiring tša mafelelo. Gomme re ka metsotsong ya mafelelo ya iri ya mafelelo.

<sup>254</sup> Ke na le filimi ye, gomme mohlomongwe ke e tliša godimo go Ngwanešu Outlaw, nako ye nngwe, bakeng sa tirelo ya Laboraro bošego, go le laetša gore, moo re tšerego ka Jerusalema, re e bitša *Metsotso Ye Meraro Go Fihla Bošegogare*. Tšeang se saense e se boletšego.

<sup>255</sup> Beibele e rile, Jesu o rile, “Ge le bona mohlare wa mogo, le mehlare ye mengwe yohle, e khukhuša,” Israele e boela bjalo ka setšhaba. Ke bona setšhaba. Re bona mehlare ye mengwe: Mamethodist ba ne ya bona e beilwe pele, Mabaptist ba ne ya bona, Makatoliki ba ne ya bona, bohle ka moka ga bona ba na le ya bona; Mapentecostal, ka Oral Roberts, ba na le ya bona; bohle ka moka ga bona ba na le ditsošeletšo tša bona, ba tšweletša lekala la yona. “Gona tsebang gore nako e batametše. Moloko wo o ka se fete go fihlela dilo tše tšohle di phethagaditšwe.”

<sup>256</sup> Re bona Israele ka nagalegaeng ya gagwe, ka leswao la gagwe le phagamišeditšwe godimo, naledi ya dintlha tše tshela ya Dafida. O na le tšhelete ya gagwe mong, setšhaba sa gagwe mong, madira a gagwe mong. O na le se sengwe le se sengwe. Ke—ke Israele. Ke eng? O fale, komana bakeng sa tlhwekišo, gore Modimo o tla tšea bale ba dikete tše lekgolo le masomenne nne go tšwa go yona.

<sup>257</sup> Lebelelang kereke lehono, e ka tlhakahlakanong ya yona, e hlakahlakane gohole le se sengwe le se sengwe. E lebeletše, “Gomme re ne bontši ka fale. Re ne bokaonana go feta ba ne. Ke rena *se, sela, le se sengwe*.”

<sup>258</sup> Gomme fao Monyalwa yola o lebeletše go go Tla ga Morena Jesu. Yeo, gola ga sephiri, go Tla ga sephiri ga Kriste go tla tla le go ubula go tloša Monyalwa wa Gagwe bošego. Go swana le puku ye ke e badilego ya Romeo le Juliet, nako ye nngwe, ka fao a tlidego le lelere gomme a ntšetša monyalwa wa gagwe ntle magareng ga bona. Seo ke se Jesu a tla tlago, letšatši le lengwe, le go lebelela yo motee yola a sa lebelelago dithutotumelo tša gagwe, eupša a lebeletšego go Kriste, a Mo letetše gore a tle, ka pelo ya gagwe e tsepeletše.

<sup>259</sup> Ba a tla, leloko la Madi, bjalo ka Isaka le Rebeka, leloko la Madi mong. Seo ke se re swanetšego go tla, leloko la Madi go Kriste, ka Sehlabelo, ge dibé tša rena di tlošitšwe ke Madi a Jesu; e sego ka se kereke ye nngwe e se bolelago, se yo mongwe gape a se bolelago; eupša se Madi a se dirilego, le go netefatša gore se dirilwe, ka Lentšu le šoma go kgabola selo sa go swana, go rwalela ntle bodiredi bja go swana A bilego le bjona. Amene.

<sup>260</sup> O lebeletše go eng, kereke? Oo, matšatši a a mafelelo, oo, O bile thwi magareng ga rena, batho, gomme re e lebetše. O dutše thwi magareng ga rena, gomme ga se re e tsebe. Moya wo Mokgethwa o fa mosong wo, gomme mohlomongwe ba bantsi ba tla tloga le go e lebala. Mohlomongwe ba bantsi ba ba babjago

ba tla lebala go dumela le go kgwaparetša tumelo ya bona thwi mo e swanetšego go ba bjale. Therešo... .

<sup>261</sup> Ka therešo mogobe o a hiduega. Meetse a dikologela morago go tloga go tlhago, go bontšha tša kagodimogatlhago. Moya wo Mokgethwa o fa, o tšea seholpha sa batho ba go itekanelā, bohlale, ba dutše mo, ba apere gabotse, ba go rutega gabotse, ba lebeletše. Moya wo Mokgethwa o wela godimo ga bona, gomme se sengwe se ba dikološa go dikologa. Ba goeletša, “Letago go Modimo! Haleluya!” Bothata ke eng? Go hiduega ga meetse. Amene.

<sup>262</sup> Badiradibe ba dutše fale, bakgelogi, bommalegogwana, matagwa, le se sengwe le se sengwe gape, ke ba bakgethwa, ba bomodimo. O ka se kgone go bea monwana godimo ga maphelelo a bona, kae kapa kae, ge e sa le ba e amogela. Ke eng? Go hiduega ga meetse. O lebeletše eng? Moya wo Mokgethwa o wela magareng ga rena... .

<sup>263</sup> Ke be ke dutše fale, nakwana ya go feta, le Ngwanešu Outlaw, ke šupetša batho, go yena, fa ka malwetši le dilo. Gomme e ka kgona go dirwa thwi bjale, go laetša dilo tša go fapanā tše di diregilego ka maphelong le dilo. Ke eng? Ke Moya wo Mokgethwa, Jesu Kriste, wa go swana maabane, lehono, le go ya go ile. Re letile eng? Go hiduega ga meetse? A šetše a huduilwe. Morongwa o tla tloga gabotse ka pela, gomme bokwala bjhole bo ile, gomme ka gona ga go phološo ye e šetšego. O tla tlogelwa ka leswiswing la ntentle.

<sup>264</sup> Kanegelo ye ke e kwelego, matšatši a se makae a go feta. Go tswaleleng, nka bolela se. Go na le mošemane yo a dirilego polao. O dirile se sengwe sa phošo.

<sup>265</sup> Gabotse, ke ile ka bitšwa molatong, letšatši le lengwe, le a tseba, wo ka mo ka Texas. Ke na le setifikeiti se sennyane go tšwa go bona letšatši le lengwe, “Go phološa bophelo,” se boletše. Re ile godimo kua bakeng sa Ayers yo monnyane yola. Monna yola yoo a tšerego seswantšho sa Morongwa wa Morena, yo, bošegong bjola godimo fale ka Houston, gomme a ntshwaswalatša gomme a bolela se sengwe le se sengwe lefaseng ka nna. A lahlela matsogo a gagwe go ntikologa, a nkrokarela, a re, “E no nagana, Ngwanešu Branham, yena monna yo ke rilego o be a le mof-... a ſoma go fefeanyo, o tlie go phološa morwa wa ka go tšwa setulong sa mohlagase.” Yeo ke nnete. Ke boletše kua pele ga bona bohle. Gomme mmušiši o dirile eng? O o lebaletše. Oo, nna, ge ba be ba swanetše go hwa mo matšatšing a mane goba a mahlano, ka morago ga fao. Nnete. Gobaneng? Ke ne kgahlego go bophelo. Bophelo!

<sup>266</sup> Ka re, “Mohlomphegi, ga o na le tokelo ya go tšea bophelo bja mošemane. Madi a mathomo a kilego a falatšwa, e bile ngwanešu yo mongwe a faladitše a yo mongwe. O tšholotše madi a gagwe. Eupša Modimo ga se a tšee bophelo bja gagwe ka kotlo ya lehu. O

beile leswao godimo ga gagwe, gore ga go yo a tla mmolayago. O se ke wa phumula leo.” Amene, le amene. Nnete. Re ne kgahlego ka go bophelo.

<sup>267</sup> Letšatši le lengwe, mošemane wa mme o be a bolaile monna. O be a robetše kua, a loketše go hwa. Gomme kafao mme yo monnyane o eme kgauswi le mojako wa mmušiši, gomme ba botšišitše ka gare. Gomme, mafelelong, le yo mongwe wa bahlapetši, o rile, “Mmušiši, mme yola wa mošemane yola o ntle mo, o a go nyaka. O nyaka go go bona.”

<sup>268</sup> Gomme ge ba butše lemati, gomme ba rile, “Mem, o tla go amogela.”

<sup>269</sup> Selo se sennyane sa go šokiša se abutše ka diatle tša gagwe le matolo, godimo go fihla go maoto a gagwe, o beile diatla tša gagwe... diatla tša gagwe godimo ga maoto a gagwe, gomme o rile, “Mmušiši, mohlomphegi wa go hlomphega,” o rile, “o monna a nnoši yo a šetšego, yo a ka kgonago go boloka morwa wa ka. Hle, mohlomphegi yo botho. Ke a tseba o ne molato. O no ba molato. Dikgorotsheko tša lena tša toka di mo hweditše molato.” Gomme ke ba bakae ba rena ba se nago molato ka dikgorongtsheko tša Modimo? “Dikgorotsheko tša lena tša toka di mo hweditše molato. Ka kgonthe o bolaile, gomme o swanetšwe ke lehu. Ke tseba seo. Eupša, mohlomphegi, bjalo ka motho, ga o na le tokelo ya go tšea bophelo bja mošemane wa ka. Modimo a nnoši o kgonago fa bophelo, gomme Modimo a nnoši a kgonago go tšea bophelo. O se ke wa e dira, mohlomphegi. Ka kgopelo o se ke. Ke a go kgopela, bjalo ka pelo ya mme e kgonago rwala.” Gomme kafao o mo rakile.

<sup>270</sup> E robile pelo ya gagwe, kudu bjalo, phophotho ya mme yola, go fihla a eya tlase kgolegong, go ya kgolegong moo mošemane a bego a dutše morago ka kgolegong.

<sup>271</sup> Monna o be a agile tswalolemolato. Go no nyaka go swana le ka mo kereke e dirilego lehono, “E tla ba gore o Le rera ka tsela ye ke Le ratago,” goba o ka se Le kwe le gatee. “Nka se fe šedi!” O be... gomme a dutše fale. Monna ka morago ga ge motho a ttile go yena, a leka go bolela le yena. O be a ikagile yenamong go fihla a be a sa ye go kwa gape.

<sup>272</sup> Ka fao mmušiši a sepelela ka gare. A re, “Morwa, ke rata go bolela le wena.”

O rile, “Homola gomme o tšwele ntle ga fa,” ka seleng ya gagwe.

O rile, “Morwa, ke ttile go go thuša.”

O rile, “Ke go boditše go tšwela ka ntle ga fa.”

<sup>273</sup> Yeo ke tsela ye batho ba dirago Moya wo Mokgethwa lehono. Ya. “Ešwa. Ga ke nyake selo go dira le Wona.” Gomme o kokota lebating. “Ge nka dira seo, ke tla swanelo go tlogela phathi ya ka ya karata. Ke tla swanelo go tlogela se. Ke tla swanelo go tlogela

*selā.* Ke tla swanela go tlogela thutotumelo ya kereke ya ka. Ke tla swanela go fa.” Le a bona? Bokaone le theetše. Ke Yena a nnoši a nago le tshwarelo. Yeo ke nnete. O lebeletše eng? Le a bona?

<sup>274</sup> O be a lebeletše dilo tše dintši kudu, o be a boifa go lebelela monna yo. Hlogo ya gagwe e fela e retollotšwe.

<sup>275</sup> Yeo ke tsela ye batho ba dirago lehono go pitšo ya aletara. Ba fela ba retollotše hlogo ya bona. Ga ba nyake go E kwa. Ba tla retolla hlogo ya bona go tloga go Modimo Yo a ba botšago, “Yeo ke Thereso.” Se sennyane, Segalontšu sa fasana, boka kgwatho.

<sup>276</sup> Le a tseba, Eliya, o kwele phefo ye e kitimago, madi, mollo, muši, gomme ga se ya mo tshwenya. Eupša ge a kwele Segalontšu sela se sennyane, o tšwetše ntle. Oo, Segalontšu sela se sennyane seo kereke e šitilwego go se kwa! Nnete.

<sup>277</sup> Kafao, mo—mo—mo monna o lekile bokaonekaone bja gagwe. Mmušiši o lekile go bolela le mošemane. Mošemane o rile, “A o ya go tšwa ka fa goba a ke ya go go lahlela ka ntle.”

<sup>278</sup> O retologile go dikologa gomme o rile, “Go lokile, morwa. Ke dirile bokaonekaone nka kgonago go bo dira.”

<sup>279</sup> Ge a sepeletše ntle, mošemane o lebeletše tikologong, mohuta wa swele, ge a be a sepela go theoga go kgabola holo.

<sup>280</sup> Gomme ge a dirile, yo mongwe wa bahlapetši o gatetše ntle gomme a re, “Mmušiši, a o dirile botse bjo bo itšego?”

O rile, “Aowa. Ga se a ke a theetsa.”

<sup>281</sup> Mošemane yola o ile a taboga. O ile a swara mapheko, a re, “E be e le mang yola?”

“Yola e be e le mmušiši. A etla bakeng sa tebalelo ya gago.”

<sup>282</sup> Thari kudu nako yeo. O gooleditše. O llile. O rile, “Nagana ka yona. Mmušiši, mo ka seleng ya ka, go ntshwarela, gomme ke mo ganne.”

<sup>283</sup> Gomme ge ba Bea thapo go dikologa molala wa gagwe, pele ba Bea seapešasefahlego se seso godimo, ka morago ga ge a sepetše dikgato tše lesometharo, mantšu a mafelelo a a boletšego, “Naganang ka yona. Mmušiši o eme ka seleng ya ka, bakeng sa tebalelo, gomme ke mo šikologile.” Gomme ba mo fega.

<sup>284</sup> Oo, go na le bontši go feta mmušiši mo mosong wo. Jesu Kriste o fa. Gomme sele ye nnyane yela, e bitšwago monna goba mosadi, O fa go fa tshwarelo. O se ke, o se ke wa Mo gana. O se ke wa e dira. Hwetsa morero wa gago wo Modimo a go tlisitšego ka bophelong.

<sup>285</sup> Re ka go iri ye kgolo kudu, bagwera. Le tseba seo. Bjalo ka ge pina ya kgale e bolela:

Ditšhaba di a thubega, (Lebelelang ke nako mang.) Israele e a tsoga,  
 Maswao ao Beibele e a boleletsegopele;  
 Matšatši a Bantle a badilwe, ka tšhitio ya letšhogo;  
 “Boang, O bašwalalanywa, gabu lena beng.”  
 Letšatši la topollo le kgaušwi,  
 Dipelo tša batho di palelwa ka letšhogo;  
 Tlatšwang ka Moya, mabone a lena a gotetše le go bonagatša, (eng?)  
 Lebelelang godimo! Topollo ya lena e kgaušwi.

Yeo ke therešo.

Baprofeta ba maaka ba aketša, ba gana  
 Therešo ya Modimo,  
 Gore Jesu Kriste ke Modimo wa rena;

Yeo ke therešo.

Moloko wo o gana kutollo ya Modimo,  
 Eupša re sepela moo baapostola ba gatilego.  
 Letšatši la topollo le kgaušwi,  
 Dipelo tša batho di palelwa ka letšhogo;  
 Tlatšwang ka Moya, mabone a lena a gotetše le go bonagatša,  
 Lebelelang godimo! Topollo ya lena e kgaušwi.

<sup>286</sup> Yeo ke nnate. Lebelela godimo, ngwanešu, eya kgole go tloga go thutotaelo yohle ye ya lefase. Lebelela godimo. Lebelelang go Kriste. Lebelelang go Jesu, bjalo ka ge pina e bolela:

Lebelela gomme o phele, ngwanešu wa ka,  
 phela!  
 Lebelela go Jesu bjale gomme o phele;  
 Go ngwadilwe ka go Lentšu la Gagwe,  
 haleluya!  
 Ke feela gore re “lebelele gomme re phele.”

A o lebeletše eng mosong wo?

Lebelela gomme o phele, ngwanešu wa ka,  
 phela!  
 Lebelela go Jesu bjale gomme o phele;  
 Gobane go ngwadilwe ka go Lentšu la Gagwe,  
 haleluya!

Ke feela gore re “lebelele gomme re phele.”

A le dumela seo? A re e opeleng mmogo. Le a e tseba?

Lebelela gomme o phele, ngwanešu wa ka,  
 phela!  
 Lebelela go Jesu bjale gomme o phele;  
 Go ngwadilwe ka go Lentšu, haleluya!  
 Ke feela gore re “lebelele gomme re phele.”

Bjale a re e opeleng mmogo bjale.

Oo, phela, ngwanešu wa ka, phela!  
 Lebelela go Jesu bjale gomme o phele;  
 Go ngwadilwe ka go Lentšu, haleluya!  
 Ke feela gore re “lebelele gomme re phele.”

<sup>287</sup> O lebeletše eng? Go bona ba ba lebeletšego Jesu, lekga la bobedi, O tla tla ka Letagong go ya phološong, go re ntšhetša ka ntle ga lefase le la sebe, ka ntle ga sebe se le dilo tše re lego ka go tšona. A le dumela seo? [Phuthego e re, “Amene.”—Mor.] Lebelelang gomme le phele. Selo se nnoši le ka kgonago go se dira ke go lebelela, go tsea Lentšu. Bjalo ka sephente mo koteng e emetše Lentšu le le phelago leo le tla dirwago nama, ka fao Lentšu lehono le emela Bogona bja Moya wo Mokgethwa ge re Le bona le hlatselwa magareng ga renna. O ka go sele ya renna ye nnyane mosong wo. A le ka se Mo theetše ge re inamiša dihlogo tša renna?

Tšwelapele, ngwanešu.

Lebelela gomme o phele, ngwanešu wa ka,  
 phela!  
 Oo, lebelela go Jesu bjale gomme o phele;  
 Go ngwadilwe ka go Lentšu, haleluya!  
 Ke feela gore re “lebelele gomme re phele.”

[Ngwanešu Branham o hama *Lebelela Gomme O Phele*—Mor.]

Lebelela go Jesu bjale gomme o phele;  
 Go ngwadilwe ka go Lentšu, haleluya!  
 Ke feela gore re “lebelele gomme re phele.”

<sup>288</sup> Ge le sa na le dihlogo tša lena di inamišitše, lebelela go Jesu bjale, ngwanešu, Lentšu. Ge o se wa ke wa sokologa, sokologa. Ge o se wa ke wa kolobetšwa Leineng la Jesu Kriste, kolobetšwa. O na le tshepišo ya Modimo, gore o tla amogela Moya wo Mokgethwa. Seo ke se Kereke ya setlogo e thomilego ka sona, le ka tsela ye E thomilego. Modimo ke mohlokamagomo. A ka se kgone go fetola lenaneo la Gagwe. Yeo ke tsela ye e swanetšego go dula ka mehla. Kereke e ile ya hlomamišwa ka Letšatši la Pentecost, ka tshokologo, kolobetšwa Leineng la Jesu Kriste, le tshepišo go amogela Moya wo Mokgethwa. “Maswao a a tla latela bona ba ba dumelago.”

<sup>289</sup> Ge seo se se sa ke sa direga go wena, mogwera, a o ka phagamišetša seatla sa gago godimo go Modimo bjale gomme wa re, “Ngwanešu Branham, nthapelele.” Modimo a go šegofatše, wena, wena. Modimo a go šegofatše. Gabotse. Modimo a go šegofatše, wena, wena. Seo se lokile. Go lokile.

Lebelelang gomme le phele, banešu ba ka, le  
phele!

Lebelelang go Jesu bjale gomme le phele;  
Bjale, go ngwadilwe ka go Lentšu, haleluya!  
Ke feelsa gore re “lebelele gomme re phele.”

<sup>290</sup> Bjale, go ngwadilwe fa ka go Lentšu. Re mo matšatšing a mafelelo. Ga se gona se beilwego godimo ka se. Ga go selo sa bofora, ga go bofora. Ke Lentšu le dirwa go bonagala. Ke Lentšu le bolela Therešo. Le bile—le bile ka dikopanong. Le bile ka dikopanong pele, gomme le a tseba gore ke Therešo.

<sup>291</sup> Bjale, re na le baekiši ba bantši. Re tseba seo. Eupša le se ba lebelele. Go bile le mahlakanasele a ilego le Moshe. Eupša, eelwang, go be go le Baisraele ba bangwe ba therešo fale bao ba ilego nageng ya tshepišo. Le a bona?

<sup>292</sup> Go swana ka go seholpha se, ngwanešu. Go na le ba kgonthé, banna le basadi ba mmapale ba go tlala ka Moya, kgonthé, kgonthé, ba ka se bee monwana go bophelo bja bona. A o ka se lebelele gomme wa phela mosong wo? Lebelela kgole go tloga go baekiši. Lebelelang kgole go tloga go—go bona bao ba tla bago mahlanya. Lebelelang kgole go tloga go bohle bao gomme le lebelele go Jesu wa kgonthé. Re gatišitšwe ka Lentšung la Gagwe. Haleluya. “Go bao ba Mo lebeletšego lekga la bobedi O tla tšwelela.”

<sup>293</sup> Ge le ka rata go tla pele aletareng, go ema bakeng sa thapelo, ge le se la amogela Moya wo Mokgethwa; le se la kgotsofatša maswanedi a, a puku ya Ditiro, ao Petro a boletšego ka ona, gomme le rata go kopana le ona mosong wo. Ge re sa opela temana ye nngwe gape, ke tla rata go le laetša, etlang le eme aletareng bakeng sa thapelo. Gomme ka gona re tla dira kolobetšo, goba re tla le rapelela go amogela Moya wo Mokgethwa. Ge re opela.

Oo, lebelelang gomme le phele, banešu ba ka,  
le phele!

Lebelelang go Jesu bjale gomme le phele;

Yo mongwe gape?

Ngwadilwe ka Lentšung, haleluya!  
Ke feelsa gore re “lebelele gomme re phele.”

Lebelela gomme o phele, ngwanešu wa ka,  
phela!

Oo, lebelela go Jesu bjale gomme o phele;  
Go ngwadilwe ka go Lentšu, haleluya!  
Ke feelsa gore re “lebelele gomme re phele.”

<sup>294</sup> Bothata ke eng ka basadi mosong wo? Banna bohle? Ga se gantši le bona seo. Ye ke iri ya tlhokofalo. Go lokile.

Lebelela gomme o phele, ngwanešu wa ka,  
phela!

Lebelela go Jesu bjale gomme o phele;  
Go ngwadilwe ka go Lentšu, haleluya!  
Ke feela gore re “lebelele gomme . . .”

<sup>295</sup> Ke no ikwela go swanetše go ba yo mongwe gape. Etlang pele. Ba, banna ba bane ba emego fa, go na le bontši go feta bjola fa. Etlang pele. Le nyaka go phela? Elelwang, Modimo o e ngwala fase. Ba botšišitše, “Go swanetše bjang . . . Re swanetše re dire eng go phološwa?” Gomme ba boditšwe. Bjale, A ka se kgone go fetola seo, gomme ga se sa ke sa fetoga, go theoga go kgabola mabaka a Beibele.

<sup>296</sup> Bjale re na le dikgopololo tša go fapano. Re a e fetola bjale, oo, nna, se sengwe le se sengwe. Eupša le se ke, le se ke la lebelela seo. Le se ke la lebelela se ba se dirago bjale.

<sup>297</sup> Lebelelang go se A se boletšego *Mo*. Lebelelang go Beibele. O a lebelela gomme wa phela, ngwanešu. Yeo ke tsela e nnoši o ka kgonago; kgaetšedi, le wena. Etsla bjale, ge o se wa amogela boitemogelo bjo gomme wa tseba gore ke Beibele tlwa, le Modimo ka Boyena kua, a hlatseditšwe. O se ke wa leka mahlatse.

<sup>298</sup> O lebeletše eng, mosong wo? O lebeletše eng? A o eme ka go le la go tšoša, letšatši la tlhagaraga le re phelago ka go lona? O lebeletše eng? Modimo o beile se sengwe le se sengwe.

<sup>299</sup> Go huduega ga meetse, mosepelo wola wo monnyane wa mathomo, batho ba tabogetše ka gare.

<sup>300</sup> Leswao la seatla ka lefaufaung, Eliya o rile, “Leru lela, bogolo bja seatla sa motho, boka lefokameetse.” E be e le eng? O tšwetšepele a dumela. “Ke kwa modumo wa matlorotloro a pula.” Leru lela le bile maru a mabedi. Maru a mabedi a bile mmoto. Mmoto o bile thaba. Thaba e bile thaba ye nngwe. Selo sa pele le a tseba, mafaufau ka moka a be a duma, pula e be e ewa. E be e le eng? O amogetše se Modimo a se rometšego.

<sup>301</sup> Gomme mosong wo, ge Selo se sennyane sela se kgwathile pelo ya gago, le go re, “Ke hloka seo,” leo ke leswao le lennyane lela, bogolo bja seatla sa motho. Etsla.

Lebelelang gomme le phele, banešu ba ka, le  
phele!

Oo, lebelelang go Jesu bjale gomme le phele;  
Oo, go ngwadilwe ka go Lentšu, haleluya!  
Ke feela gore re “lebelele gomme re phele.”

A re inamišeng dihlogo tša rena.

<sup>302</sup> Ke a makala ge eba lena baena fa, ba bangwe ba lena banešu badiredi, le tla sepela thwi go theoga, ba bangwe ba lena baena, beang diatla go baena ba bao ba tlilego tlase fa, ge le rata, baena.

<sup>303</sup> Morena Jesu, monna yo o tlišitše boipolelo, o tlie mosong wo. Tološa go kamaka gohle ga gagwe go tloga go yena.

Madi, Tate! Re swarele, Morena! . . . ? . . .

O swanela go tlogela se sengwe le se sengwe.

<sup>304</sup> Ka go swana, bakeng sa ngwanešu yo fa, Morena, a nke boipolelo bja gagwe bo rothele ka Mading a Jesu Kriste. A nke a tlatšwe ka Moya wo Mokgethwa. Gore Modimo o tla fetola leina la gagwe, a ithekgile godimo ga lepara la gagwe. Eupša o hloka Moya wo Mokgethwa. O dirile boipolelo bja gagwe mosong wo! . . . ? . . .

<sup>305</sup> Mo tlatše ka Moya wo Mokgethwa . . . ? . . . Gomme a nke fao go tle pele maatla a magolo a Moya wo Mokgethwa. Amene.

<sup>306</sup> Kereke yohle le kobile dihlogo tša lena bjale, ebang thapelong. Banešu ba ba a rapela bjale, gomme yo mongwe le yo mongwe Bea diatla tša gago godimo ga bona le go rapela.

Yo mongwe šo o a tla.

<sup>307</sup> Morena Jesu, godimo ga boipolelo bjo a tlogo go bo dira lehono, Ke a rapela, Modimo, gore O tla mo tlatše ka Moya wo Mokgethwa, Morena. O lebeletše kgole bjale go Khalibari, moo Madi a Jesu Kriste a nnoši a ka kgonago go mo hlwekiša. Ke Madi a tee feela a ka kgonago go tshela gola go kgabaganya legaga lela. Ao ke Madi a Jesu Kriste ao a elago ka gare ga legaga, le go mmea kgauswi le Modimo, bošegong bjo. E fe, Tate, ka Jesu Kriste. Amene.

<sup>308</sup> Yo mongwe le yo mongwe ka thapelong bjale, go Bea diatla tša gago godimo ga bona, ngwanešu, banna ba ba emego mo. Rapela ka pelo ya gago yohle bjale.

<sup>309</sup> Bjale, bjale o tla go dira boipolelo bja gago. Modimo a ka se kgone go aketša.

<sup>310</sup> Yeo ke tlwa tsela ye ke e amogetšego, ge ke etla godimo le go re, "Morena Modimo, ke hlokofetše ka go teba. Ka kgonthe ke a e ra, go tšwa pelong ya ka yohle. Ye ke gare ga lehu le bophelo, gomme ga—ga ke nyake go hwa. Ke—ke nyaka go phela, gomme ke—ke nyaka go ya Legodimong. Gomme O tshepišitše."

<sup>311</sup> Ga se ka ke ka tsoge ka kwa selo se sebjalo bjalo ka Pentecost, ga se ka tsoge ka kwa se sebjalo. Eupša, ke rile, "Ka Beibeleng mo senyakwa se be se le, go ya ka Beibeleye, go nna go sokologa, le gore ke a dira. Gomme ke kolobeditšwe Leineng la Jesu Kriste. Bjale, Morena, O ntshepišitše Moya wo Mokgethwa. O tshepišitše go e dira."

<sup>312</sup> Ga se ka ke ka tsoge ka kwa e ka ba eng boka go bolela ka maleme, ga se ka tsoge ka e bala gape go feta kua ka Beibeleng. Ke nno se nagane e ka ba efe. Gomme thwi fao gwa tla Seetša go kgabaganya kamora, ka sebopego sa sefapano, gomme eng kapa eng e bego e le godimo ga sona e be e le go bolela ka maleme. Ke rile, "Ga ke kwešiše Segalontšu sa Gago, mohlomphegi, polelo ya Gago. Ge O sa kgone go bolela Seisimane, gomme ga ke kwešiše

leleme la Gago; ge O ka no tla morago le go bolela gape, e tla ba leswao gore O nkamogetše.” Gomme E be e le fao gape.

<sup>313</sup> Oo, ngwanešu, ke lebeletše le go phela, nako yeo. Ke be ke phela ge e sa le, ka go dikgao tša letago tša Modimo, moo maatla a Modimo a elelago ka go lokologa tlase ka morunyo wa ditšhegofatšo tša Gagwe.

<sup>314</sup> Bjale a re phagamišeng diatla tša rena ge re ema, yo mongwe le yo mongwe wa rena fa, le banna ba. Bjale, baena, Moya wo Mokgethwa o fa. Moswaredi o thwi fa ka lehlakoreng la lena. A re dumeleng ka pelo ya rena yohle bjale. A nke yo mongwe le yo mongwe re dumele. Bjale a re phagamišetšeng digalontšu tša rena go Modimo. Modimo a le šegofatše.

Tate wa Legodimong, re a rapela . . . ? . . .

Morena Jesu, ke a Go rapela, gore O tla fa se! . . . ? . . .

Morena, a nke a se šitwe go e bona bjale! . . . ? . . .

Lebelelang gomme le phele, banešu ba ka, le phele!

Lebelelang go Jesu bjale gomme le phele;  
Oo, go ngwadilwe ka go Lentšu la Modimo,  
haleluya!

Ke feela gore le l “lebelela gomme le phele.”

Oo, “lebelelang gomme le phele.”

<sup>315</sup> Lena batho bohole ba go babja, lebelelang ka tsela ya go swana bjale, lebelelang go Jesu.

Lebelelang go Jesu bjale gomme le phele;

<sup>316</sup> Yeo ke yona. Boka sephente ya mphiri. Go be go se maatla ka go sephente, eupša ke se ba se lebeletšego. Bjale, tshepišo e rile, “Ba tla bea diatla go balwetši; ba tla welwa ke maruru.” Ke bea diatla tša ka godimo ga gagwe ka gore ke kemedi, bjalo ka sephente ya mphiri. A nke ba lebelele Jesu, mošola, Yo a hwilego. Ke seloba sa batho ba rena ba go babja go fodiša. Ke seloba sa sebe sa rena. A nke maatla a Modimo a tle godimo ga meetse a, le go fodiša yo mongwe le yo mongwe, Leineng la Jesu Kriste, Morwa wa Modimo.

Lesea? Lesea?

<sup>317</sup> Leineng la Jesu . . . ? . . . Leineng la Morena Jesu . . . ? . . . Oo, Leineng la Jesu Kriste.

Modimo a go šegofatše bjale. Dumela ka pelo ya gago yohle. E dumele.

Oo, lebelelang gomme le phele, banešu ba ka,  
le phele! (Le e dira bjang?)

Le lebelela go Jesu bjale gomme la phela;  
Oo, go ngwadilwe ka go . . .

Elelwa, ngwanešu . . . ? . . .

<sup>318</sup> Le a tseba bothata ke eng ka dikereke lehono? Re ya tsela... Re—re—re ineela ka pela kudu. Eliya o dutše fale gomme o rapetše, gomme o rapetše, gomme o rapetše go fihlela se sengwe se diregile. Gomme ge a ikwetše modungwana wola wo monnyane o etla fase ka pelong ya gagwe, o rile, “Ke kwa modumo wa matlorotloro a pula.” Ge banna le basadi ka fa, ba ba nyakago Kriste goba Moya wo Mokgethwa, ba ba nyakago go fodišwa, ge ba ka no dula fale gomme ba re, “Morena, O e tshepišitše. O e tshepišitše,” gona ikwele go rotha gannyane gola. È re, “Še yona, Morena. Ke a e amogela,” se sengwe se ya go direga.

Oo, lebelelang gomme le phele, banešu ba ka,  
le phele!

Lebelelang go Jesu bjale gomme...

<sup>319</sup> E no phagamišetša seatla sa gago godimo bjale. Amogela se o se nyakago. O mo ka seleng le wena. Go lokile.

...haleluya!

Go lokile, ngwanešu, ge o ka tla.



*LEBELELA* NST63-0428  
(Look)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Aporele 28, 1963, ka Jesus Name Church ka Phoenix, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)